

東
華
續
錄

東華續錄

光緒三十一

臣朱壽朋敬編

臣章圭琢恭校

冬十月辛丑朔時享 太廟命載敦恭代行禮○以放餉彈弊革守備朱金詰職並不准投効各路軍營

○中長諭前據御史鄧慶麟奏順天府屬辦理賑務並不核計災分村戶酌量分撥請飭查辦等語當經諭令直隸總督順天府查明酌辦茲據李鴻章等奏稱直隸順天地方應行賑撫州縣均經分飭印委各員分投確勘核計散放並無不論災分輕重村戶多寡每州縣各給二千石等情該御史所奏著毋庸議

○諭戶部奏解銅委員具稟書吏勒索刁難請旨查辦一摺雲南委員孟蔭桂管解前銅之委員許光第暗與串通勒令變賣正銅等情著如所稟暫屬臆大妄為亟應澈底根究黃安澄是否即該局冊內之黃友清著步軍統領衙門順天府五城御史查拿務解交刑部嚴行審訊委員許光第是否在京抑在天津並著步軍統領衙門順天府五城御史直隸總督一體查明送部聽候傳訊務得確情以成信讞所有三起頭批銅斤著直隸總督派委委員與戶部所派司官督同該委員孟蔭桂迅速解交京局以濟要需○以文煜署兵部尚書○乙巳以 曹院峪萬年吉地告成予員外郎文然等優敘○予陝西寧義縣節

婦陸唐氏旌表○丙午撥給通州王恕圖等處煮賑和米八百石○丁未諭前據翰林院侍讀王先謙奏已故革職兩雲巡撫徐之銘情罪重大請追奪官銜不准其子出仕應試當諭令劉長佑杜瑞聯岑毓英將該侍讀所陳徐之銘罪狀確查奏聞茲據該督撫先後覆奏所陳大略相同徐之銘身膺寄賞雲南回匪變亂之時遇事失措畏葸無能咎無可辭至原任陝西巡撫鄧爾恆被戕一案前經署雲貴總督潘鐸查辦將副將何有保等正法並非徐之銘主謀其所奏徐之銘為逆黨馬榮說和一節當時該革員曾改裝赴岑毓英軍營計議因岑毓英意進剿旋即會商戰守事宜肅清省城亦非甘心從逆徐之銘前已奏旨革職王先謙所請不准其子出仕應試之處著毋庸議○戊申允貴州巡撫岑毓英請以貴州貴西道署福建華節縣○己酉諭前據御史孔憲毅奏浙江餘姚縣紳衿謝端及其姪謝錫恩聚賭一方種種作惡被人告發經委員於謝錫恩家內起出洋鎗銅鐵礮等不下千餘件該縣知縣高桐納賄將謝錫恩藏匿該紳等並有霸佔沙地等情當經諭令梅啟照查明具奏茲據奏稱此案於未奉 諭旨之先被人許告派員密查於謝錫恩家內起出洋鎗鐵礮洋鎗共二十餘件又鐵矛多件係謝端之弟謝敬曾辦開練其領漏未呈繳謝錫恩旋亦投案追奉 諭旨後另派委員確查謝錫恩並無霸種沙地威逼人命強佔婦女案據餘姚縣知縣高桐有無徇私納賄賄司提究等語即著梅啟照譚鍾麟飭提人證案卷

澈底根究務得確情至民間具領鎗礮事竣自應呈繳何得日久藏匿此案既經查出恐他省亦所難免
著各直省將軍督撫飭屬徧行曉示如有不諳例禁遲延未繳者務令一面呈報一面勒限繳還以肅禁
令○庚戌 慈禧端佑康頤昭豫莊誠皇太后萬壽聖節 上詣 慈禧宮行禮○甲寅命廣濟驗收

孝陵 神功聖德牌樓工程○左宗棠奏准通政使二等男劉錦棠九月初二日來咨稱七月二十五日
據色勒庫爾阿奇木伯克阿布都勒哈山等稟報前來探得賊股竄至蘇巴什地方距色勒庫爾祇有一
站因飭伯克素唐夏等在城防守一面帶同伊什罕伯克米爾子咬克木等並居民二百出城扼紮蘇巴
什南面該賊探知要隘已扼即繞山間道踰嶺而來十九日大股已抵城下約三千餘人將城圍住祈撥
大兵援剿劉錦棠以色勒庫爾城小而堅尚易固守但阿奇木伊什罕等均隔在城外恐城內各回目與
居民不無驚惶該處設有疏虞剿辦甚為費事又以師行糧隨路險不能容車且聞沿邊布魯特各族被
脅者多其尊崇條勒之教聞風響應者尤復不少自英吉沙爾出卡皆布魯特支帳之所為運道所必經
難保中途無梗因飭各營裹帶二十日行糧並飭喀什噶爾英吉沙爾各局星夜雇驢裝運糧料一併飭
行劉錦棠二十六日督隊由喀城啟行二十七日抵英吉沙爾適前調之管帶壽字馬隊提督陳建厚率
隊前來即飭暫駐英城次日復飭提督張俊提督石蘊玉率定遠中右步隊兩營並提督胡逢花率定遠

左營五成隊伍帶同進剿仍留該營五成隊伍會同壽字營一旗馬隊駐守英吉沙爾城垣八月朔日過
咬齊牙克達坂抵哈引恰提地方接據色勒庫爾守城明伯克素唐慶等稟報連日賊眾環攻率居民同
心堅守二十六日早賊曾派人到城下誘降伯克等以阿布都勒哈瑪在賊會中素稱兇狡非設計擒斬
不可乃僞許其降約阿布都勒哈瑪前來定議阿布都勒哈瑪信之旋卽親詣城下該伯克等預選二十
餘人各帶軍器出城與阿布都勒哈瑪相見數語後玉子巴什蘇乃滿等卽將該會馬羶扭住阿布都勒
哈瑪知已中計拔刀砍落蘇乃滿數指撥馬狂奔幸二十餘人中有名豁罕者開鎗擊洞該會背心卽時
落馬而同去各人同時開鎗排擊斃賊七名餘賊飛奔伯克等割取阿布都勒哈瑪及七賊首級入城賊
黨忿甚攻城愈急盼官軍往救等情劉錦棠得報改道由山路急進因巖壑崎嶇勢難迅速初三日遵行
百餘里至勒的克地方探報色勒庫爾之賊聞官軍將至已於二十九日向北竄去初四日又改道北趨
踰卡拉搭什達坂至秦爾里安訓賊於初二日已竄至布倫可地方布倫可者西南距色勒庫爾約四站
距秦爾里安約兩日程劉錦棠以賊既相距四站若不覓路繞追必難及賊比令董宇中右兩營定連中
左右三營各步隊及靖營馬隊西征馬隊一旗暫歸提督藍福祥節制於初五日四鼓兼程先進自率總
理營務處知府袁廷齡督飭總兵各哨並總兵侯名貴礮隊一旗提督譚慎典白旗馬隊一營提督楊金

龍之格中馬隊一旗軍功何振元之防勇步隊一旗及纏回各馬隊護衛輜重亦於是日辰刻繼進初十日行抵察哈爾良疊接董福祥稟報初五日抵紮克牙哈奇初六日午刻至察哈爾良獲賊探一名訊據供稱賊蹤相距六七十里董福祥擬乘夜襲之飭各營小憩申刻銜枚疾馳夜分至彼賊已聞信竄去初十日早追至空台根滿斯忽見前面有賊三十餘騎向木吉一路狂奔並見所宰牛馬鮮血滿地知賊去不遠念官軍兩日一夜馳三百數十里人馬勞乏甚矣然不猛進賊更遠颺遂挑步隊之健者乘隊驟隨同馬隊追逐派提督張俊率之先進董福祥率疲乏步隊護輜重繼進酉刻據張俊馳報是日午後追至木吉探賊大股驕聚距木吉六七里地方解鞍秣馬張俊整隊徐進自率數十騎登高瞭望見前面峻嶺夾峙大河貫入谷口賊見東南塵起知我軍追至遂列隊河南分數十團每團數十百騎依山對河按次排列令總兵夏辛酉提督張宗本率西征一營一旗馬隊擊其左總兵田九福之董左營爲接應提督方友升率靖營馬隊擊其右提督胡登花石蘊玉之定遠左右兩營爲接應自率董中營定遠中營隊伍由中路擊之鏖戰半時勝負未分忽有一綠衣賊酋手執紅旗在前指揮掠陣勢甚兇悍被我馬軍鎗轟落馬賊遂大敗官軍掩殺約二里許賊復回拒張俊嚴飭各營整隊奮擊斃賊多名該逆仍死拒不退夏辛酉張宗本方友升等各分哨由左右兩路繞出其前自率馬隊直貫賊陣張俊又率所部由中路奮衝

殺人自爲戰無不以一當十賊方窘感至極時復見官軍左右抄截去路將斷遂大潰狂奔官軍乘勝追至卡拉阿提地方時已天晚遂收隊就地爲營是夜四鼓張俊仍率隊猛追初八日午刻又復及賊沿途賊尸枕藉初九日直追至黑子拉提達坂下該逆僅剩百餘騎翻山亂竄張俊等以過山卽係俄屬阿來地界乃止不追方賊在木吉西面爲官軍擊敗時張俊等正追賊向前董福祥率隊進至該處遙望谷口有馬馳出瞥見平川內有賊約二三百牛羊二三千知爲賊衆所據在後留牧者董福祥率隊猛擊賊衆翻山紛竄官軍急追悉數斬之計是役共殺賊二千數百名奪獲軍械旂幟千數百件馬匹牛羊數百頭生擒悍賊六十三名內有胖色提買寶提巴巴一名玉子巴什十五名陣斬著名胖色提曰買寶寶亦提曰阿子曰亦薩克曰白奇巴爾魯曰阿里必曰開拜克拉八和洛曰毛拉和買提曰邁提哈力克曰可坎乎完提曰托乎大曰克力恰克等十一名其買寶寶亦提卽前安夷帖夏阿古柏派充喀喇沙爾大通哈者也其生擒之買寶提巴巴者卽阿古柏派充烏什大通哈者也至陣斬玉子巴什據稱有六十餘名難以悉數此八月初五至初九等日馬步各營追剿疊獲大勝之實在情形也劉錦棠以餘賊業經過山追亦無及遂飭各馬隊由阿依阿提達坂回防自率各步隊由碧勒可斯達坂回防以色勒庫爾伯克等固守城池並能誘殺巨酋厥功甚偉而城外莊稼牲畜被賊刼掠殊可矜憫因飭提督楊金龍攜帶銀兩緞

正率恪中營馬隊馳赴該處酌給犒賞以示激勵安撫事竣卽由田角塔回防緣山內道路紛歧卽各城
纔回亦未嘗經歷故飭馬步各隊分路行走無察地勢其逆酋阿布都勒哈瑪首級經楊金龍解至喀城
當傳飭本地纔回與該逆素識者驗明傳首示衆除將生擒之買賣提巴巴胖色提等六十三名訊明斬
梟外其從逆之布魯特頭目庫爾什路坎等二名已經按名擊獲解營候訊明分別辦理查阿布都勒哈
瑪與愛克木汗條勒兩次糾衆犯邊狡獪兇頑恐不畏死此次率黨竄至烏魯克哈提卡外聲言奉俄國
號令攻取喀英各城煽惑部衆及開官軍布置嚴密無隙可乘遂變計往攻色勒庫爾冀取該處爲老巢
爲復擾回疆張本劉錦棠聞報督隊疾馳踰越重巒達坂鑿冰開道冒險以行方擬進至伊犁克雅克地
方截其歸路便可聚殲詎該逆偵知官軍進剿先已北趨當官軍行抵泰爾里安之日賊於前兩日已過
布倫可地方方按程計日相距數站雖派隊急追竊恐未能及賊幸董福祥張俊等迅風無前士氣競奮
四晝夜馳八百餘里人未交睫馬未卸鞍接仗時猶復倍加抖擻愈接愈厲卒能殄此狂寇大振軍威惟
此次師行所至率皆荒曠阻絕自來人跡罕到之區石壁冰梯直插霄漢鳥道陡絕士馬均須蹂附而升
俯視幽壑冥冥渺不見底加之煙霧風掠濃澗殊常中者不省人事致弁丁之染患急證者多而戰馬糧
獸之墜崖而斃及勞傷以死者更難數計蓋自出關以來行軍之艱阻勞瘁未有若斯之甚者也嗣接探

報愛克木汗條勒竄至俄境阿來所屬可苦蘇地方隨行僅三十餘人內有受重傷者五人可苦蘇北通
安集延西通哈拉替根俄人將愛克木汗條勒如何安置之處應俟探明續報所有此次及前次連剿陝
回金山及去冬今春兩剿安集延布魯特共四案元爲出力文武員弁兵勇謹擇其尤者併爲一案繕具
清單恭呈 御覽伏乞 天恩逾格准獎以示優異 上諭左宗棠奏賊酋糾眾犯邊官軍追剿獲勝請
將出力陣亡各員懇恩獎卹一摺布魯特賊首阿布都勒哈瑪安集延賊首愛克木汗條勒等疊次糾眾
犯邊本年七八月間竄至烏魯克哈提聲言攻取喀什噶爾等城復圍攻色勒庫爾經通政使劉錦棠督
率官軍節節追剿先將阿布都勒哈瑪誘斬並生擒買賣提巴巴巴胖色提等多名內地各城悉已安堵剿
辦尙爲得力所有此次並疊次剿辦陝回金山及安集延布魯特各逆出力員弁均屬著有微勞自應量
予獎勵尋賞給道員羅長祐騎都尉世職提督薩福祥張俊頭品頂戴餘升敘有差○左宗棠奏通政使
司通政使二等男法福靈阿巴圖魯臣劉錦棠出關以來克復各城勦績丕著疊蒙 天恩不次擢用
優加賞賚遐邇聞知同深感服其現辦善後事宜因地施治寬猛得宜吏畏民懷已覩成效洵一時傑出
之才非 臣衰庸所能及也竊維邊方之任非賢能不足宏茲遠謨亦非重其事權不足舒其蘊蓄惟威名
日久疑謗易滋無以寒遠人之膽又飛鳥未盡良弓已藏足噫任事之氣區區愚忱不敢不盡伏懇 天

恩併案論功將劉錦棠 優賞欽差銜 飭令幫辦新疆北路軍務以彰 殊容而資鎮壓之處伏候
聖裁 上諭軍機大臣等左宗棠奏請飭劉錦棠幫辦新疆北路軍務等語通政使劉錦棠自收復南路
各城後辦理一切營後事宜俱臻妥協現在布魯特安集延等衆疊次竄擾邊境南路防務尙未能鬆劉
錦棠駐紮該處正資鎮撫且金順幫辦軍務本係統兵駐紮北路茲左宗棠請飭劉錦棠幫辦北路軍務
是否另有命意所在著卽據實詳細覆奏再降諭旨將此由六百里諭令知之○內辰諭御史邵曰漉奏
請整頓鄉會試謄錄並分別內外簾黃成一摺著該部議奏○方學伊奏查順屬東路屬所轄各州縣地
勢低窪每遇積雨盛漲上游諸水挾建瓴之勢就下東趨鄉民謂之橫水本年夏秋之交雨水過多西北
山水匯流下注其運河以東各州縣境內官堤民埝漫溢沖決所在皆有以致三河薊州香河武清寶坻
寧河一帶民田巨浸汪洋禾稼淹沒村農失業轉徙流離中澤鴻嗷氣象愁慘仰蒙 聖恩撥濟接濟窮
機補屋之下無不同聲共頌 皇仁矣惟是諸縣水患頻年今歲尤重若不亟籌補救歲復一歲必至與
京南文安一帶之常爲澤國者等情形深屬可虞蓋歷來修築堤埝除運河外餘悉由民攤修但前次
上游壩牆堅固未經沖壞尙足以遏水勢故下游埝雖卑薄而沖決時少縱偶一沖決民力有餘尙能卽
時堵塞不至如今日之任水橫流歷數月而沖決之口如故也臣伏思災歉之民力既難自行興築而農

田藉資捍衛又係萬不得已當此時勢艱難籌款誠非易然通盤計算若能及時將上游舊壩擇要修築並將下游各處堤埝擇要加高培厚尙屬事半功倍之圖則橫水之患既免 朝廷自省賑濟之費卽窪區糧賦亦得照常徵收而一方生靈咸有以託命所全尤多 上諭御史方學伊奏順天東路廳所轄各州縣地勢低窪本年雨水過多山水下注運河以東各州縣境內官埝民埝沖決甚多以致三河薊州等處民田多被淹沒現在災歉之餘民力自難興築請飭履勘籌款辦理等語著李鴻章萬青藜梁盛煌責成各該地方官將境內壩埝應行修築處所詳加履勘由該督等籌款興修以衛民生○丁巳諭銘安等奏差委乏人請飭據移並請將人地不宜各員歸部銓選一摺吉林現議分地添設改設各官差委需人著吏部查照奉天成案於曾任實缺正途人員內無分滿漢迅速揀發同知一員通判一員知州知縣各二員前赴吉林差委該省候補同知恩福才欠開展候補通判福祿聽斷未能明決難勝煩劇之任均著歸部銓選銘安等於該二員才具據實陳奏察吏尙屬認真各直省期滿人員往往多係奏留難保無遷就之處嗣後著各將軍嚴行甄別以昭核實○諭軍機大臣等光祿寺卿劉錫鴻奏水師宜兼練陸戰之技一摺據稱師船水手必當兼練火鎗刀牌跳躍擊刺之技其利有四不可專恃大礮等語水師各營練兵之法原不專恃船礮劉錫鴻所陳有各營向來兼習者惟當加意訓練精益求精其未經兼習各營

著李鴻章沈葆楨彭玉麟李成謀按照所奏情形酌量籌辦並分別知照沿江沿海各督撫一體酌度辦理原摺均著鈔給閱看將此諭知李鴻章沈葆楨彭玉麟並傳諭李成謀知之○庚申諭禮部奏繕譯鄉試監臨等官未能詳查例案請交部議處一摺本年己卯科福建繕譯鄉試投卷僅九名未能足額例應停止該監臨提調等官輒將題目拆封考試屬疏忽均著交部議處至試卷業經送部即著閱卷大臣一併校閱如實有可中之卷卽行取中一名以後不得援以爲例倘無可中之卷仍照例任缺毋濫嗣後各該駐防省分如臨場人數不敷中額卽照例具奏停止考試其繕譯題目並無庸拆封以符定制○諭御史文鏞奏上年直隸各州縣壓擱調免錢糧應照常徵比又將下忙縮入上忙並稱各省亦所不免等語小民偶逢荒旱朝廷加意撫綏惟恐失所如各該牧令似此舞弊實堪痛恨著各該督撫查明嚴行參辦毋稍徇隱所請專派委員將騰黃親齋各處眼同張貼毋庸由驛頒發之處並著各直省體察情形妥籌辦理○諭御史文鏞奏翰林勞績升轉請仿照內閣衙門補缺章程辦理等語著吏部詳奏○諭御史文鏞奏順大候補知州王聖本係舖夥由捐納典史續捐通判知州歷署治中等缺十餘次在京師通州開設店鋪與寧河縣知縣丁符九兒女姻親匿不呈報上年十二月間經前順天府府尹周家楣奏參捏病請假周家楣甫經去任卽行起病況又署理三河縣事候補通判石廣臣於署宛平縣知縣後在

順義縣置買田產候補知縣蔣嘉泉在京師開設茶行請飭認真查辦等語著派沈桂芬和會同萬青
蔣梁榮焯認真查辦以肅官常嗣後順天府所屬州縣缺出務須爲地擇人秉公委署至所稱無缺可補
之同知通判令回直當差之處並著一併查議具奏○壬戌諭前據恩承董華奏四川東鄉縣知縣路朝
霖於札提東鄉縣案內人證解送遲延當降旨將該員交部議處旋經部議降調開缺茲據都察院奏路
朝霖以本年正月初九日奉到札文卽於十五日將人證傳齊起解二月初四日申解到省奉札日期有
違縣移文可憑嗣奉續提人證亦均依限解到並無遲誤等語該員呈訴各情是否屬實著丁寶楨查明
具奏○諭軍機大臣等丁日昌遵議復奏各摺片現議應將輪船水師自非擇將船精器械不可西人熟
習輪船操練若能延致才技精通者爲教練當可日有起色應如何設法訪訂之處著李鴻章沈葆楨與
出使各國大臣面商辦理至學堂練船出洋諸舉皆爲豫備將才尤當擴充精選以備異日之用鐵甲蚊
子等船爲海防所不可少鐵甲船所費過鉅一時尙難籌辦蚊子船現已先後購到八號著卽督飭管帶
之員認真演練毋得有名無實以後如何陸續添購並購船及續延教練西人可否令赫德及出使大臣
分辦之處著李鴻章沈葆楨一併籌商妥辦○甲子諭丁寶楨奏霜降已過修補都江堰堤悉臻堅固民
田已多涸復等語四川都江堰堤工失修多年此次丁寶楨督飭承修之員挑挖江身修砌兩岸現據奏

稱河道一律深通連年水勢極大但有灌漑之利並無泛溢之患灌縣溫江崇慶等州縣從前淹沒田地已潤復八萬二千九百餘畝江堤所以保衛田廬關係緊要現既著有成效尤宜實力修防永資利賴嗣後該督仍當嚴飭該地方官隨時查看情形認真辦理毋得日久生懈致墮前功○乙丑諭前據景瑞奏千總徐永興克扣錢糧私放兵帳並圖潛逃各情迭經降旨將徐永興革職拿辦旋據御史鄧慶麟奏馬蘭鎮營務廢弛奏案支離營書把持朦蔽含混領餉糾衆興訟挪用公款各節當派廣壽前往查辦茲據查明稟奏即應擬結等語此案把總盧斌雖無糾訟賄重情惟挪用公款至大千餘兩之多實屬贓大妄爲著卽革職業經補遺從寬免治其罪外委盧承化盧承澤雖無實在劣跡惟均係盧斌之姪同充營書致招物議實屬不知檢束著與不安本分之兵丁李綏等一併斥革另片奏遵查千把等員兼充補書易滋流弊請嚴定章程等語嗣後該營實缺千總把總不准充當稿摺餘著照所議辦理○丁卯諭張樹聲奏關外官軍搜擒首逆請將出力員弁獎勵一摺上年秋間總兵李揚才在原籍廣東鹽山縣及欽州等處搜獲稟勇膽敢糾集匪徒萬餘人陸續竄至關外滋擾越南國地方當降旨將李揚才革職諭令劉坤一楊重雅派兵馳截並特令提督馮子材統師出關剿期會剿各軍星馳前往連次克捷將該國君餘孽一律收復餘黨搜捕殆盡現經劉坤一馮子材分兵兜拿於龍登山上將該逆李揚才搜獲辦理

尙爲得手李揚才以武員糾匪滋事實屬罪大惡極朝廷命將出師迅速成功生擒首惡洵足申國憲而靖藩封馮子什前因首逆未獲自請嚴處著加恩免死並交部從優議敘其在事出力之知府陳以祺前經攻克左會等處賊巢著免補知府以道員仍留廣西遇缺儘先補用並賞戴花翎此案著賞加布政使銜並賞給吉勒通阿巴圖魯名號游擊周炳林等前經攻克左會等處賊巢均著免補參將以副將補用此案均著免補副將交軍機處記名遇有總兵缺出請旨簡放周炳林並賞給馬勇巴圖魯名號陳德朝並賞給馬勇巴圖魯名號都司李重前攻克舊嚴寨內著免補都司以游擊儘先補用並賞換花翎此案著免補都司游擊以參將儘先補用仍賞換花翎六品軍功李宗德著免拔千把外委以守備儘先補用並賞戴花翎陳紹安著免拔把總外委以千總儘先拔補並賞戴花翎游擊馮廷楨著免補游擊以參將仍留廣東大洋水師儘先補用並賞加副將銜餘著照所議辦理○戊辰諭御史葉蔭昉奏直隸安平縣隔一帶漳沱河南北兩岸屢遭水患兼之深澤以上水道淤墊至獲鹿一帶山水全注漳沱一遇漲溢河間任邱等處均被淹沒請飭將河道量爲開拓兩岸堤身加高培厚等語著李鴻章派員詳加勘酌度情形妥籌辦理○榮祿以病乞休不允仍予假一月調理○己巳致仕大學士英桂卒 贈卹如例並入祀賢良祠賞其孫恩釗員外郎曾孫奎惠主事

十一月庚午朔李鴻章奏光緒二年三月間教練礮隊德國人李勛協期滿回國經臣在於海防各營內遴選年力少壯之游擊卞長勝等七弁商令李勛協帶赴該國武學院講習陸軍技藝俟學成回國再分撥各營教練以期漸開風氣當經議定章程三年爲期將撥經費飭令由津起行計自卞長勝等奉派赴德卽由駐京德國使臣巴蘭德之兄予告提督巴蘭德商明該國兵部派入斯邦道第四營交哨官德羅他妥爲安插增給經費延師指授旋因卞長勝王得勝朱耀彩三弁氣體稍弱改派博洪燾習藝三年春調赴維廉士哈芬海口學習水師復調漢耳海口四年春因卞長勝朱耀彩性情較浮學業未能精進先調回華楊德明查運標袁雨春劉芳圃四弁仍在斯邦道步隊營內歷經巴蘭德及德羅他妥爲照料每歲由該軍總統帶赴五宮宴會第一年先習練手足及演鎗各法兼習德語第二年隨看林操所演迎敵設伏及繪地圖排演各法第三年習演帶排隨同林操兼習文書上年十月另延哨官西鐸教授布陣各法該弁等漸有會心今春三年期滿經臣臧商出使德國大臣李鳳苞暫展限期令該弁等詳考一哨調度各法以窺步隊之竅要自夏徂秋該弁等盡則隨操晚則聽講凡鎗隊理法皆能領悟六七月間又各備馬匹隨同礮隊大操以觀配搭步隊相濟爲用之妙大操既畢新兵換防無藝可學除王德勝一弁仍留柏林都城延師專教楊德明一弁攻苦成疾暫在斯邦道就醫外其查運標袁雨春劉芳圃三弁由李

鳳苞咨送回華臣面加考驗該弁等所習步隊技藝紀律尙爲嫺熟出洋肄業日久艱苦備嘗學有心得擬懇將藍翎千總袁雨春以守備儘先補用並賞換花翎軍功查連標劉芳圃二弁均賞給五品藍翎以千總儘先補用以示優獎而資傳習報可○李鴻章奏准出使德國大臣李鳳苞咨稱查連標等赴德肄業斯邦道教隊出力之步隊親軍第一營三等提督波蘭撤爾第四營頭等總兵官薩呢則第四營內頭哨二等總兵官哈克威擬懇邀請奏獎臣查光緒三年十月及本年八月德國兵官德羅他與提督巴蘭德或盡心教練或照料周妥經臣先後奏奉諭旨賞給寶星在案今該兵官三員教隊出力事同一律自應由臣飭局做造二等金寶星一面發給該提督官波蘭撤爾並造三等金寶星二面分給該總兵官薩呢則哈克威配帶均交駐津德國領事傳旨賞給以酬勞勩得旨允行○前春福松淮來京以吉和爲烏里雅蘇臺將軍色楞額爲駐藏辦事大臣○以武職人員無告假回旗回籍例命兵部準情酌理擬定章程著爲令○劉坤一請開缺回籍養親不允賞假兩月以裕寬暫署兩廣總督○辛未沈桂芬等奏擬纂國史館臣工列傳書成獎敘內閣學士王之翰等有差○命薩凌阿爲烏魯木齊領隊大臣○刑部右侍郎文徵因病乞休允之○壬申調錫珍爲刑部右侍郎以興廉爲工部右侍郎○蘇勒布奏查內務府案卷內載太廟供奉冊寶共五十八分敬典閣上層尊藏玉牒黃檔紅檔共二百

四十包 寶十顆 敬典閣下層尊藏 玉牒黃檔紅檔共六十包 崇祿閣尊藏 寶錄一千四百零三包 聖訓三百一十六包 檔十四包 寶錄圖一匣 奴才敬謹瞻仰供奉尊藏均屬妥協惟 敬典閣上層供奉 九代聖容九箱 行樂圖四箱 奴才未敢擅啟謹於秋分節後擇吉恭時敬謹瞻仰又恭存 列祖 列宗所遺 御用鞍轡弓箭腰刀鎗劍鑾韉 高宗純皇帝御用朝冠朝珠朝帶袍褂鞍轡弓箭鎗劍腰刀鑾韉甲冑 仁宗睿皇帝御用朝冠朝珠朝帶袍褂鞍轡鎗劍腰刀準捷鎗撒袋弓箭宣宗成皇帝御筆字掛屏鞍轡威禽鎗木桿鎗銀式件俸木鞘小刀子火鏹火紙筒 文宗顯皇帝御用鞍一付藤鞭一把撒袋一付弓四張箭三十六枝等項 奴才敬謹瞻仰妥為尊藏及各 宮 殿陳設一切金銀銅瓷物件金鏤金條銀鏤書籍字畫冊頁併收存綢緞紗呢羽緞及 文溯閣收存書籍等各按照印冊逐一詳細查點俱各相符報聞○甲戌諭本年各直省辦理秋審人犯經刑部由緩決改情實者四川省多至五起山東省多至六起該督撫並臬司於秋讞重犯未能詳審核議均著交部查明分別議處嗣後各將軍府尹督撫等務當督同所屬遵照定例酌核案情悉心究擬固不可失之刻核亦不可惑於救生不救死之說故從輕減總期執法持平無枉無縱用副明慎用刑至意將此通諭知之○丙子諭穆宗毅皇帝實錄聖訓告成著於十一月二十五日受書御殿各該衙門敬謹預備○諭現在恭纂

穆宗毅皇帝實錄業已告成恭進時應派員子公以下宗室官員分司齎捧親王郡王貝勒等左右護視以昭虔恪著宗人府會同禮部查照同治年間禮節敬謹具奏○諭現在 穆宗毅皇帝實錄聖訓告成前期一日總裁等官恭捧全書至保和殿陳設後值日護軍統領會同總管內務府大臣謹閱殿門多派官員於殿門外周歷照看尙不足以昭慎重是日著御前侍衛乾清門侍衛大門侍衛不值班各員內派出二十員於殿外前後輪流坐更小心照看不准在彼燃點烟火以專肅成○諭前據張樹聲奏官軍擒首逆李揚才情形業經降旨宣示茲據該撫奏稱現經提督馮子材將李揚才訊供解省請旨辦理等語逆首李揚才以武職謀叛輒敢糾眾出關肆擾越南奪隘踞險抗拒官軍實屬罪大惡極現在既經擒獲著將該逆卽在廣西省城正法並傳首越南地方懸竿示眾以昭炯戒○丁丑章乃翁奏仕途之清雜至今日而極軍興以來捐例大開近年復因管豫奇荒更爲推廣而捐納人員紛紛赴部驗看者愈形擁擠現並有因捐輸之已停巧爲折算移甲就乙轉輾相售查閱吏部驗看官單自今年正月起凡戶兵刑工四部司員以及外省道府州縣佐以雜職每次分發員名不下二百餘人有多至三百以外者統計一年幾及有三千人當捐輸之際僅能核其銀數多寡與捐例之符與不符何暇計及流品也而中外各捐局已經明奉 諭有一律停止此項人員不至有加無已然而未經到部驗看者尙不知凡幾也若不乘

此停捐之時力求整頓吏治何由日有起色查定章部員學習三年經該堂官嚴行考試始定去留外省
道府州縣等官試用一年期滿該督撫應行察看考核分別煩簡補用佐雜等官一體辦理立法本極周
詳乃近年習爲故常漫不加察部員竟有衙門不到公事不聞三年期滿依然照例奏留外省試用官員
一俟期滿亦相率而概行留補豈其盡屬真才哉恐亦未免有牽就情面也應請 旨飭下各部堂官及
各省督撫於學習試用等員期滿時認真考試甄別其實堪勝任者照例留用其不堪造就者分別降罰
庶幾仕路無分乎異途而吏治益臻夫上理 上諭御史章乃倉奏仕途太雜請飭中外大臣嚴加甄別以
一摺現在部院司員以及外省道府以下各官仕途擁擠難保無庸劣之員濫竽充數自應嚴加甄別以
冀逐漸澄清所有部員學習三年期滿著該堂官認真考試嚴定去留毋稍遷就至各直省試用人員著
該將軍督撫遴選本年十月十六日諭旨切實考核不得視為具文○諭御史章乃倉奏浙江長興孝豐
等縣招墾荒田外省流民乘間侵奪業主轉相逃避不敢認領加以胥役浮收以致客民愈多土著愈少
並稱江南等鄉恐亦不免此弊請飭查辦等語軍務以後招徠開墾全在地方官辦理得宜庶農民可期
復業而流民不致使佔若如所奏情形將來喧客奪主流弊滋大著該督撫督飭該管道府認真查察如
有客民侵奪及胥役弊混等情卽行從嚴懲辦以杜弊端而安良善○諭御史章乃倉奏捐納人員驗看

請嚴定出結章程等語著該部議奏○己卯大祀 天於 園丘命奕齡恭代行禮○壬午 上詣 壽

皇殿行禮○諭廣東山東需用蚊子礮船統由李鴻章酌量代訂所需購船經費卽著籌解備用將來各

船購到時并由該督驗收分布各海口以資調遣○癸未兩江總督沈葆楨卒 贈太子太保銜入祀賢

良祠於江南及立功省分建祠事蹟交國史館立傳賞其子璋慶舉人肇慶瑜慶主事予祭葬諡文肅○

甲申調劉坤一爲兩江總督兼充辦理通商事務大臣以張樹聲爲兩廣總督慶裕爲廣西巡撫梁燾煌

爲福建布政使○左宗棠奏已革總兵劉楚華暫緩赴戍留防漢南允之○諭前因御史朱以增奏參江

蘇糧道英樸費劣各款當經諭令步軍統領等衙門及直隸江蘇各督撫確查具奏旋據各該衙門奏查

明英樸在京夥開店鋪屬實當降旨將該道員開缺聽候查辦並將摺內所稱該家丁聲明英樸逗遛在

京實係因病請假等情復諭令倉場侍郎江蘇巡撫據實具奏嗣據李鴻章奏稱天津有松盛長匯兌局

詢有英樸本銀在內復據倉場侍郎奏該道曾稟請病假赴京就醫茲據沈葆楨吳元炳奏稱查明江蘇

糧道押運北上本有津貼公費銀兩該道尙無勒令多送亦無訐告勒送不遂故意挑剔米色之案省滬

二局收支各款均查無支銷糧道署中食用及建造敬神戲臺等名目惟查上海地方確有松盛長匯兌

局銀號實有英樸股本在內本年正月曾有匯兌海運經費銀兩至以公費生息及將員薪薪水勒指兩

節均無確據可證惟今春赴滬驗米時乘坐小轎微服治游事亦有之其請假入都就醫該道曾經具稟有案現經逐款查明據實覆奏等語英模被參各節或查無確據或事出有因惟以監司大員與民間夥開店鋪從中牟利復有微服治游情事實屬有玷官箴英模業經病故仍著革職以示懲戒○乙酉調盧士杰爲福建布政使梁肇煌爲江甯布政使○諭軍機大臣等岑毓英奏擊獲哥老會首要各犯訊明正法一摺已明降諭旨照所議辦理又籌辦布置情形並國勅梵淨山餘匪各片覽奏均悉梵淨山餘匪業將大巖山逆巢攻拔而朝陽寺舉賢溪等處自應紮營搜剿劉廷忠所部不敷分布該撫已飭募該處窮民充補松桃協營練軍分紮要隘能否得力與綠營兵制有無關礙並著詳細籌辦總期於樞宜之中熟思審處俾日後不至滋生流弊方爲盡善○丙戌杭州將軍承恩公廣科卒予祭葬命其子恩濟襲爵○以岐元爲盛京將軍調瑞聯爲杭州將軍豐伸爲綏遠城將軍希元爲黑龍江將軍景豐爲荊州將軍○諭岑毓英奏訪擊哥老會匪首要各犯訊明正法一摺已革總兵楊海春卽楊開泰等膽敢在貴州省城歃血結盟謀爲不軌於本年十月間糾集多人約期舉事經岑毓英與司道府縣等訪聞派副將何雄輝等先後擊獲逆犯多名並獲號片旗幟軍器等件當將楊海春卽楊開泰等八犯訊明後凌遲處死地方一律安靜辦理尙爲妥速逸犯張幅芝等仍著飭屬嚴緝務獲究辦毋任一名漏網以絕根株所有此次

出力員弁著准其擇尤請獎毋許冒濫○丁亥 上諭 大高殿祈雪○戊子以恩福爲盛京戶部侍郎
○己丑戈靖奏我 朝篤念懿親敦敘之典遠過往代 列聖相承有加無已咸豐年間復開道府之例
近奉 恩諭軫念閒散宗室覺羅人等生計維艱 加賞二月錢糧凡所以爲宗室謀者周且備矣惟是
椒衍綿日益繁盛固係功德垂蔭之靈長而枝分派遠不免饑寒資深 祖宗在天之嚮痛誠以閒散
宗室錢糧則限以歲時仕進亦定爲專缺既不如覺羅滿蒙漢道路甚寬並不如士農工商得以自謀生
理是豈 聖朝親睦之本志哉格於成例未有以變通之計爲 國家策久遠此 臣目睹情形難安緘默
請於常例之外量爲調劑俾天潢支派均得仰濡 實惠一宗室二兩錢糧宜請復舊章也向例宗室十
歲卽給二兩錢糧所以養贍之並欲其及幼學之時使得就傅讀書耳自改爲十五歲始補二兩宗室子
弟力讀書者甚少此五年中經費所省有限蒙養伊始竟使不學將落良可惜已今請仍自十歲卽補
二兩錢糧以資教養一宗室官學生宜請增入咸安宮國子監也查覺羅滿蒙漢子弟各有官學然復挑
補咸安宮國子監官學所以教育而造就之者意至美法至良宗室子弟止有兩翼宗學同係宗族未足
以相觀摩不出家塾未足以廣聞見竊謂有教無類請於兩翼宗學外照八旗章程增補咸安宮國子監
宗室官學生以廣陶成一宗室筆帖式宜請分補各部院學習也查宗室筆帖式惟有宗人府一途外衙

門並無缺額但宗人府缺少人多補缺實形壅滯而各部院筆帖式之缺尙寬卽撥各處滿缺二三名作爲宗室專缺照宗室郎中員外郎主事之例似於滿缺不致有礙則宗室筆帖式補缺可疏通矣一宗室舉人宜請酌補中書小京官也查旗民文舉人會試三科後有揀發知縣及大挑之例宗室舉人非會試中式每多廢棄雖有選宗人府筆帖式一途而得選匪易同係舉人宗室則報効無由實爲可惜請將宗室舉人三科後酌選中書小京官以遂其向上之志一宗室讀祝官贊禮郎宜請增補 陵缺也查例載宗室有京讀祝官贊禮郎各缺並無 陵缺今止有贊禮郎一缺近來文武兩途皆形阻滯致令有材能者於邑不伸轉生枝節何若將各 陵讀祝官贊禮郎旗缺改增宗室專缺似於旗缺不甚相妨並請仍添京缺讀祝官則宗室登進之途稍寬矣一宗室武場鄉會試宜量爲取中也查宗室文闈鄉試每取中大七名會試每取中一二名獨至武科卽有精於騎射技藝者不得與試未免向隅應請仿照文闈鄉會試例酌量取中數名以備干城腹心之選一聞散宗室請准遊幕屯居也前山西巡撫今大學士沈桂芬條陳八旗准出外貿易及在外寄籍等因曾經議准在案今宗室生齒日衆食三兩者按現章支領每月不及二兩自養多不能足現在經費支絀兵餉難復舊章宗室何能議加與其使之坐困京師何如使之自求生計如有願遊幕屯居者准其由旗報府給以執照註明何方倘在外滋事卽准該地方官詳解宗

人府嚴加管束如此則宗室不致困苦矣 上諭御史戈靖奏宗支生計維艱仕途未廣請量爲變通一
摺著宗人府會同該部議奏○辛卯以志和爲左都御史○丁寶楨奏川省撥款過繁餉源不濟請於光
緒六年內再行援案暫辦捐輸一次以資協濟允之○田翰墀奏州縣詞訟之案往往爲竄役需索之資
直省皆然而保定府屬之清苑等縣爲尤甚需索之弊一曰買票查州縣出票傳案按衙役名冊輪流遞
派此定例也今則民詞甫遞該役擇原告之殷實者賄囑門丁賁緣買票以網其利門丁貪其賄卽將該
役違例擅派該役遂明目張膽公然以買票自居其取償於小民有倍蓰什伯而無厭者是以前詞訟爲利
藪也其害一一曰車錢向來衙役下鄉傳案向被告者索費曰鞋錢近來妄自尊大改乘高車氣勢炎炎
兇橫已極小民畏差人如虎狼不敢不厚給車錢冀其稍從寬假比驛站之供應長官尤有甚焉者其害
二二曰差帳兩造傳齊未經過堂先講使費名爲差帳差帳不滿欲見官而不能欲回家而不准多方留
難且有經旬累月守候而不轉過堂者小民忍氣吞聲不得不如願以償是過堂之權官不得而操而衙
役操之也其害三三曰和息錢小民控告到官或自遞罷詞不願涉訟或經人調處兩家和好公同遞呈
謂之和息賢有司愛民如子遇有面遞和息者無不立予開釋本無所謂和息錢也自不肖州縣一味調
劑門丁不准當堂面遞和息間或攔與哀求輒將和息呈擲之於地而門丁之權從此愈重和息之費則

必取盈兩造畏其拖累有破產傾家而求其息事者其害四 上諭御史田翰墀奏蠶役需索贖陳四害
請飭嚴禁等語據稱直隸清苑縣蠶役遇民間詞訟案件囑託門丁賄賂差票下鄉傳案勒索車錢追兩
造傳集先講使費方能過堂其和息之案不能當堂呈遞又有和息錢名目種種需索實爲閭閻之害此
等情弊直隸如是他省必亦難免著直隸總督及各省督撫通飭所屬實力嚴禁如有蠶役擾累情事立
卽按律懲辦以除民害○壬辰調麟書爲吏部左侍郎崑岡爲戶部左侍郎長敘爲戶部右侍郎以松淮
爲刑部左侍郎○直隸候補道土定安發往山西以道員用○癸巳諭都察院左都御史崇厚奉命出使
不候諭旨擅自起程回京著先行交部議處并著開缺候部議其所議條約章程及總理各國事務衙
門歷次所奏各摺件著大學士六部九卿翰林科道妥議具奏○乙未 上諭 太和殿受賀○諭本日
穆宗毅皇帝聖訓寶錄告成朕於卯刻吉時御殿受書祇肅禮成百僚畢賀維時卿雲紉縵瑞靄繽紛
吉事有祥彌增欣慶仰維 穆宗毅皇帝建極綏猷 經文緯武十有三年之 詒謀盛業具載典謨朕
志切紹聞常深敬畏上東兩宮 慈訓戰惕自持均幸仰邀 眷佑故當此全書告成之日欽承 鴻貺
明示庶嘉實我國家億萬年景福所基與在廷大小臣工同股歡忭允宜普錫施恩用昭鉅典除降旨將
監修總裁以下各員並在館執事人等分別加恩外所有本日進書執事之親王郡王均著加恩紀錄四

次悼親王並加賞御書受福多平願額一方恭親王並加賞御書輔政扶德願額一方執事之員勅以下
宗室文武官員及執事之大臣官員均著加恩紀錄二次其宣讀表文致辭制咨各員均著加恩紀錄二
次其餘文武大小各員均著概行施恩紀錄一次此外八旗兵丁並著加恩照現行章程各賞給一月錢
糧以示慶成錫福闡澤覃敷至意○諭欽惟我 穆宗毅皇帝建中立極紹 統綏猷 臨御十有三年
宥密幾康孜孜夙夜敬 天法 祖 勤政 愛民 祀 壇 廟則禮重居歆 謁 橋山則誠摯追
遠牽 兩宮而聽政 孝養彌隆合九萬以承 歡 慈恩廣被值潢池之不靖 授鉞鉞以專征首定
江淮繼濟齊豫潁關隴悉奏膚功四海重覩夫昇平 武成大告萬幾時座乎 宵旰 文德覃敷
軫念民依減漕糧於蘇浙 振興士氣增學額於膠庠凡茲魏煥之 皇猷悉本緝熙之 聖學左記勛
右記言方策留貽與河嶽日星並燦 丕顯謨丕承烈聲 赫濯訖東西南朔而遙朕以幼冲誕膺 付
託仰聆 懿訓竊想 前徽伏見 緒緒 治謀史不勝紀爰於嗣位之初命大學士等梓宰官員敬謹
纂修 實錄紀事編年一歸簡牘共成書三百七十八卷又續經恭輯 聖訓一百六十卷纂繪乾坤
照臨日月茲者全書告成百僚共慶 神功 聖德億禩常昭金匱尊藏紹開燭切館臣等五職以 恭
心編勘妥速竣功允宜優加甄敘以彰鉅典而獎勤勞監修總裁官正副總裁官及提調纂校收掌編譯

等員與執事人員作何議敘之處該部查照例斟酌妥議具奏其延宴賞賚亦著該部查例具奏○以
穆宗毅皇帝聖訓實錄告成予大學士寶箴等獎敘有差○丁酉 上詣 大高殿祈雪○戊戌諭御
史孔憲鈞奏實錄館獎敘請飭查照新章辦理等語所有此次在館人員保案著吏部查照奏定章程辦
理○諭御史孔憲鈞奏前直隸任邱縣知縣馬河圖行賄開復等語馬河圖前因辦理工程出力經王大
臣等保奏欽奉 諭旨開復革職處分茲據該御史奏稱馬河圖以甄別革職之員派充 萬年吉地工
程差使傳旨以三千金拜於榮祿門下由程五峯筵墨店商人程姓代為過付設法開復各情馬河圖著
卽撤銷保案由刑部傳同商人程姓按照所參各節確切研訊據實具奏馬河圖前在直隸知縣任內如
何玩視民瘼著李鴻章查明具奏○諭御史孔憲鈞奏大員昏庸貪縱請飭查辦一摺據稱吏部尚書萬
青藜身任兼尹二十年平日惟以納賄攬權為事按缺肥瘠收受節禮有能格外賂遺立予調劑縱容家
丁在外招搖勒索規費其門丁朱二即朱韻山捐有五品官職尤為跋扈竟敢指缺說情該兼尹認候補
通判張兆豐為義子迭次委署固安順義等縣府尹衙門公事率由賅兼尹獨斷請旨飭查又御史文鐸
奏參順天州縣王堃等各款奏旨查辦萬青藜並不奏請迴避現在派出之兵部司員李邦楨係萬青藜
之婿人人竊議該尚書視然不顧等語該御史所參萬青藜各款是否屬實著派齡翁同龢會同都察

院堂官確切查明據實具奏毋稍徇隱前次查辦王堃等一案萬青葵係奉旨派查之員本可不必迴避現該尚書亦有聽候查辦之件所有王堃等被參各款萬青葵即毋庸會同查辦沈桂芬所派司員季邦楨亦著一併撤去仍著沈桂芬和會同梁盛煌將此案詳晰查明具奏○鄧慶麟奏官員襲職 敕書乃 國家重典 覃恩請 封係 聖朝 寵榮滿員向由該旗佐領出具圖片漢員則取具同鄉京官印結並服官省分暨在京衙門咨文均行知吏兵二部其請 封典者亦在吏兵二部呈驗捐照應准應駁循照定例分別核辦彙造揭帖於 題請奉 旨後知照內閣撰給各軸於鈐 寶後給發該員收領收執歷經遵辦在案 臣恭閱會典此項 誥軸 敕書究竟於何衙門領取例所未載 臣近聞有在吏兵二部領取者有徑赴內閣領取者既係辦理未能盡一便難保無弊竇滋生伏思此項 誥軸 敕書既由吏兵二部查核彙 題於鈐 寶後自應統交吏兵二部轉給卽令各該員出具親領 敕書 誥軸甘結存案備查以杜冒濫而昭核實並擬嗣後內閣鈐 寶時可否先期知照吏兵二部各派滿漢司員各一員會同內閣官員逐一核對以昭慎重應請 旨飭下部臣一併妥議章程以便遵守而杜朦混冒領等弊 上諭御史鄧慶麟奏文武官員請領誥軸勅書辦理未能盡一請飭部妥議章程一摺著該衙門議奏○步軍統領榮祿以病乞休允之○己亥景瑞奏 普陀峪萬年吉地工竣妥慎守衛儀行樹

株以次裁稱報聞○飭直隸解鑾儀衛經費○諭軍機大臣等錫綸奏摺遺失請旨查辦一摺本年六月間錫綸由六百里拜發奏摺一件遺失業經兵部奏交察哈爾都統祥查卽著該都統按站轉查其遺失之管站各員著各該衙門分別嚴加議處

東華續錄

光緒三十二

臣朱壽朋敬編

臣章圭球恭校

十二月庚子朔以燿年爲內閣學士○壬寅以丁寶楨奏摺編修日命交修○癸卯諭都察院代奏江蘇揚州府知府何金壽請推廣會議人員一摺國家遇大政事飭下廷臣會議原期詢謀僉同與議人員自有定制若如所奏大小各員一併會議向來無此政體所有此次會議事件中外交工及在籍大員如有所見或自行具摺或呈請代奏均可據實直陳所請推廣會議人員之處著毋庸議○諭劉長佑奏在籍職官恃勢怙惡請革職拿辦一摺花翎總兵銜儘先補用副將石炳元先於光緒三年間與練目張重揚構衅滋事旋即出受約束現復在雲州本籍縱黨分擾實屬怙惡不悛自外生成石炳元著卽革職拿問按律從嚴懲辦一面仍飭該處兵練擒拿餘黨毋任紛擾以靖地方○甲辰 上詣 泰先殿壽皇殿行禮○先是崇厚奉 命使俄不審朝旨訂立新約十八條一俄願將伊犁交還中國二中國收還伊犁後願明降 諭旨赦宥伊犁民人前罪三凡伊犁民人遷入俄界者俄國待之如己民四俄國民人舊日在伊犁所得之家產仍歸其有五伊犁作何歸還應由 中朝諭左宗棠等俄國諭耆爾曼等互

商六俄既歸還伊犁中國願給俄國銀五百萬羅布從立和約後一年內陸續付清七伊犁既還中國當以可西河之西及麗山之南之地以至於底克斯河盡讓與俄八相議將大城交界稍爲更改九交界既由二國官員勘定後應立界竿以昭信守十除喀什噶爾及庫倫兩地已照先立和約俄國立有領事外今議定在嘉峪關科布多哈密吐耳番烏魯木齊庫車各地各再設立領事十一領事與中國地方官有互商事件其文移悉用平行華官待領事以客禮十二凡蒙古天山南路天山北路等俄商貨物往來俱不必付稅十三凡所議設有領事官之地方并立一通商局并在張家口一律設立十四凡俄商販運貨物至張家口嘉峪關天津漢口等處者可過同州府西安府漢中府各路其將中國貨物運入俄國亦由此路行走十五此約自從兩國御允後五年內不必更改十六俄商已願另立低茶之稅此事當由中國總理衙門核定十七按照先立之約凡有民人牛隻奔逸過界總由地方官出力尋獲若實在無蹤亦不必由地方官賠償十八此約既立經俄皇簽名後一年內由中國 皇上蓋用 御寶送至俄京至是咨送回國朝野駭然修撰王仁堪庶吉士盛昱交章奏參洗馬張之洞同時奏稱臣近聞邸鈔因俄國定約使臣辱命奉有廷臣集議之旨所有條約傳聞大概臣竊不勝憤懣謹將此約從違利害縷晰爲 皇太后 皇上陳之新約十八條他姑勿論其最謬妄者如陸路通商由嘉峪關西安漢中直達漢口秦隴

要害荆楚上游盡爲所據馬頭所在支蔓日盛消息皆通邊圉難防堂奧已失不可許者一東三省國
家根本伯都訥吉林精華若許其乘船至此卽與東三省全省任其游行無異陪京密邇肩背單寒是於
綏芬河之西無故自感地二千里且內河行舟乃各國歷年所求而不得者一許俄人效尤踵至不可許
者二朝廷不爭稅課當恤商民若準回兩部蒙古各盟一任俄人貿易概免納稅華商日困猶亦也以
積弱苦貧之蒙古徒供俄人盤剝以新疆鉅萬之軍餉徒爲俄人緩輸且張家口等處內地開設行棧以
後逐漸推廣設敗戎心萬里之內首尾銜接不可許者三中國藩屏全在內外蒙古沙漠萬里天所以限
夷狄俄人卽欲犯邊迤北一面總費周折如蒙古全站供其役使彼更將重利以啗蒙古一旦有事音信
易通必撤藩屏爲彼先導不可許者四條約所載俄人准建卡三十六延袤廣大無事而商往則讎不勝
讎有事而兵來則禦不勝禦不可許者五各國商賈從無許帶軍器之例今無故聲明人帶一鎗其意何
居若有千百爲羣闖然徑入是兵是商誰能辨之不可許者六俄人商稅種種取巧若各國希冀均沾洋
關稅課必然歲絀數百萬不可許者七同治三年新疆已經議定之界又欲內侵斷我入城之路新疆形
勢北路荒涼南城富庶爭礮瘡痍務虛名受實禍不可許者八伊犁達爾布巴哈室科布多烏里雅
蘇臺喀什噶爾烏魯木齊古城哈密嘉峪關等處准設領事官是西域全疆盡歸控制有洋兵斯有洋商

有洋商斯有洋兵初則奪我權勢繼則反客爲主馴至彼有官而我無官彼有兵而我無兵且各國通例惟沿海口岸准設外邦領事若烏里雅蘇臺科布多烏魯木齊古城哈密嘉峪關乃我境內今日俄人作俑設各國援例將十八省腹地均布洋官又將何以處之不可許者九名還伊犁而三省山嶺內卡倫以外盤踞如故據高臨下險要失矣割霍爾果斯河以西格爾海島以北屯聚無區游牧無所地利盡矣金頂寺又爲俄人市廛現與約定俄人產業不更交還是伊犁一線東來之道必穿俄巢出路絕矣寥寥遺黎彼必盡遷以往人民空矣擲二百八十萬有用之財索一無險阻無地利無出路無人民之伊犁將焉用之不可許者十俄人索之可謂至貪至橫崇厚許之可謂至謬至愚 皇太后 皇上赫然震怒遣使臣下廷議可謂至明至斷上自樞臣總署王大臣以至百司庶官人人皆知其不可所以不敢公言改議者誠懼一經變約或召釁端然下以爲不足懼也必改此議不能無事不改此議不可爲國語言改議之道其要有四一曰計決二曰氣盛三曰理長四曰謀定何謂計決無理之約使臣許之 朝廷未嘗許之崇厚誤國媚敵擅許擅歸國人皆曰可殺者也伏望拿交刑部明正典刑治使臣之罪則可杜俄人之口按之萬國公法既有不准違訓越權之例復有臣執全權可否仍在朝廷之條正與崇厚不遵密函不請諭旨之罪相合耆英之案成憲昭然故力誅崇厚則計決何謂氣盛俄人欺我使臣軟懦逼脅盡押施

一償百意猶未要不料俄羅斯視然大國乃至出此不特中國憤怒即環海各國亦必不直其所爲至俄使不待定約聲明歸國外洋亦無此例況凱湯德係署理公使豈能徑歸其爲恫喝無疑情形顯然儘可聽其去留不必過問莫如明降 諭旨將俄人不公平臣民公議不願之故布告中外行文各國評其曲直兼囑各國將我 國家情理兼盡之處刊諸新聞紙明 諭邊臣整備以待據衆怒難犯之情執萬不可從之志俄國雖大自與土耳其苦戰以來師老財竭臣離民怨近聞其國君有防人行刺之舉若更逾盟犯順圖遠勞民必且有蕭牆之禍行將自斃焉能及人故明告中外則氣盛何謂理長種種要挾皆由伊犁而起若盡如新約所得者伊犁二字之虛名所失者新疆二萬里之實際而每年尙須耗五百萬餉需以供邊師防軍建城開屯之用是有新疆尙不如無新疆也索伊犁而盡拂其請則曲在我置伊犁而仍肆責言則曲在彼況使臣毒押未奉 御批示覆一如戰書未歃血豈足爲憑俄人理屈詞窮焉能生聲故緩收伊犁則理長何謂謀定俄人而講信義兵端可以不開若俄人必欲背公法棄和好設防之處大約三路一新疆一吉林一天津左宗棠席屢勝之威兵力素強金順劉錦棠錫綸張曜亦皆戰將以靜待動俄人必敗遏其歸路則彼將隻輪不返若出吉林遼東山谷叢集其地去俄二萬餘里懸軍深入饋餉維艱不能用衆 特簡兼資文武之將帥并以重權資以鉅餉分南北洋海防之費爲經略東三

省之資 命左宗棠金順選籍隸東三省知兵之將官數人速來聽用招集索倫嚇津打牲之衆教練成軍其人素性雄勇習與俄鬪定能制勝卽小有挫衄堅守數月必委而去天津一路逼近 神京然俄國兵船扼於英法公例向不能出地中海卽強以商船載兵而來亦非若西洋有鐵甲等船者比李鴻章高勵重寄歲糜數百萬金錢以製機器而養淮軍正爲今日若井不能一戰安用重臣伏請 嚴飭李鴻章論以計無中變責無旁貸及早選將練兵仿照法國新式增建礮臺戰而勝酬以公侯之賞不勝則加以不測之罪設使以贖伊犁之二百八十萬金屈蘇西洋勁卒亦必能爲我用俄人蠶食新疆併吞浩罕意在拊印度之背不特我之患亦英之憂也李鴻章若能開悟英使輔車唇齒理當同仇近來之立功宿將如彭玉麟楊岳斌鮑超劉銘傳營慶岑毓英郭松林呂昌彭楚漢郭寶昌曹克忠李雲麟陳國瑞等或回籍或在任酌量 宣召來京悉令其詳議籌策分駐京津站及東三省以備不虞山有猛虎建威銷萌故修武備則謀定 臣非敢迂論高談以大局爲孤注惟深觀事變日益艱難西洋扼我收樞東洋思啟封疆今俄人又故挑釁端若更忍之讓之從此各國相逼而來至於忍無可忍讓無可讓又將奈何無論我之禦俄本有勝理卽或疆場之役利鈍無常 臣料俄人雖戰不能越崑崙關雖勝不能薄寧古塔終不至掣動全局曠日持久頓兵乏食其勢自窮何畏之有然則及今一決乃中國強弱之機尤人才消長之會

此時猛將謀臣足可一戰若再閱數年左宗棠雖在而衰李鴻章未老而將老精銳盡漸欲戰不能而俄人行將城於東屯於西行棧於北縱橫窟穴於口內外通衢道衍朝鮮不以今日捍之於藩籬而他日歸之於庭戶悔何及乎要之武備者改議宜備不改議亦宜備伊犁者改議宜緩不改議亦宜緩崇厚者改議宜誅不改議亦宜誅此中外羣臣之公議非臣一人之私見獨謀在疆臣作氣在百僚據理力辯在總理衙門而決計獨斷始終堅持則在我 皇太后 皇上 上諭翰林院代奏修撰王仁堪等及庶吉士盛昱所奏各一摺並肅府代奏洗馬張之洞所奏一摺均著交此次會議事件之大學士等一併妥議具奏○乙巳雪○左宗棠楊昌溶奏制兵之設所以備緩急而固疆圉強弱攸分所關甚鉅 國家養兵二百餘年歲糜 帑藏此次軍興未能稍收制兵之効者由於餉薄而額多夫兵在精不在多兵之能戰不能戰視夫練之精否兵之能練不能練視夫餉之足否若饑乏之卒內顧不遑不得不聽其別營生業心志因之而紛精力因之而懈技藝因之而生兵與將兩不相習無論不能驅以禦敵卽訓練亦難應時入操名爲制兵實與憚民無異徒爲地方之蠹而已各省戎政廢弛弊雖不一而其要皆由於額多餉薄不能勤督精練不知兵不練與無兵同練不精與不練同雖名爲節餉實則並此薄費而亦覺虛糜甘肅爲材武著名之邦其風氣剛勁習苦耐勞本非他省制兵可比乃此次回亂列郡淪復均賴客勇之力本

地無一枝勁旅殺賊立功而譁譟之事且數見焉額兵之數非不多也原定餉章本薄加以層層剝削馬兵差堪自給步守各兵未免過苦難得其力甘省賦少兵多軍食向資他省餉源稍絀動滋事端情兵騎騎由來已久非亟議更張望其轉弱爲強不得也久留勇則費不支全裁兵則悉無備仍循舊制則難期起色別議加餉則無款可籌等再四商酌亟宜援照閩浙成案量減可裁之兵以節餉精卽以所裁之兵餉加之所留之兵庶兵力較紓可資其勁練將弁各予以津貼革除虛冒應差挂名辭伍諸弊庶帑項無增軍政可期其精實甘省在昔爲邊要重地雍正中定額較內地爲多後雖陸續裁減而合一提四鎮並督標暨陝西提督所轄駐甘各標計之尙存馬步兵五萬七千四百餘名新疆換防兵九千餘名一併在內歲需兵餉馬乾銀七十八萬六千六百餘兩上色倉斗糧三十五萬五千四百餘石馬料十一萬二千一百餘石草八百萬零三千五百餘束公費銀三萬一千三百餘兩其大較也原設兵額之多緣地居邊塞北連藏部南維番回西路新疆更番換戍防範宜周兵力不得不厚也若就現在情形而論新疆各城漸臻底定方議另立營制甘肅已屬內地調撥漸稀蒙古王公貝勒台吉列戍邊防涵濡教化歷久而馴順有加北路無須重兵鎮壓卽南山番族時有伺隙劫殺之事然非無要可扼如果布置周妥亦保無虞寧夏等處以河套爲慮今套患久銷沿邊一帶且資其接濟西寧河州轄境雖與撒喇野番錯

處情形稍爲喫重然回務既平小股番匪無須大隊時勢攸殊兵固有可裁者現擬將督提鎮標路各營酌量地方今昔情形分別輕重仍按照馬步守三項名目分成核減甘省馬兵額數較多邊地雖宜用騎而應敵布陣必步兵多於馬兵乃可制勝是馬兵固有可裁者現查關內各營馬步守三項兵數參差不一多寡懸殊章程未能畫一當初隨時增損自非無因而據現在情形審之自應變通以期盡利至於糧餉擬將減存兵數量加折色以資飽騰臣等數月以來周諮博訪往復商減兵增餉章程甘肅實宜仿照辦理除加增兵餉外尙可節省銀六七十萬兩以之撥充新疆設省經費於西事亦不無小補下部議奏○丙午 上詣 大高殿報謝○追予湖北陣亡游擊范興盛等祭葬世職○丁未祭木多呼圖克使堪布等進呈貢物并乞入覲允之○諭前據刑部奏革員俞應鈞殺斃旌營營弁丁多命一案左宗棠原奏案情未確當照該部所議令左宗棠再行提訊茲據該督奏稱悉心覆核將部駁各情分晰聲敘此案故殺無辜多命實革員俞應鈞爲首罪無可減請飭三法司核議等語著刑部都察院大理寺會同覆核定擬具奏○己酉雪○諭欽奉 慈禧端佑康頤昭豫莊誠皇太后 慈禧端佑康頤昭豫莊誠皇太后諭旨前有旨將崇厚所議條約章程及總理各國事務衙門迭次所奏各摺片並修撰王仁堪等庶吉士盛昱洗馬張之洞所奏各摺交大學士六部九卿翰詹科道妥議具奏茲據大學士等遵議覆奏並侍郎

長敘等說帖三件又尙書萬壽蔡侍郎錢寶廉司業周德潤等少詹事寶廷中允張楷給事中郭從矩等
余上華吳鎮胡聘之等御史孔憲穀黃元善田翰墀等鄧承修都察院代遞員外郎張華奎等所奏各摺
片又前據贊善高萬鵬御史鄧慶麟侍讀烏拉布王先謙編修于蔭霖御史葉蔭昉先後陳奏各摺著一
併交親郡王御前大臣軍機大臣總理各國事務衙門王大臣大學士六部都察院堂官再行詳細妥議
具奏醇親王亦著一併會議具奏○辛亥 上詣 大高殿報謝○諭沈桂芬志和梁肇煌奏遵查知州
王堃被參一案並請將順天當差之同知通判酌予限制一摺此案御史文鐸原參王堃由鋪夥納職開
設店鋪均查無其事其在寶坻縣任內催徵不力經揭書蔡周家柵曾銜奏參並非周家柵單銜具奏旋
經奏請開復亦無捏病請假情事該員與知縣丁符九嫺親不在應行迴避之例惟該員以順天當差人
員在京置買住宅且係署大興縣任內所買殊屬不合知縣蔣嘉泉並非開設茶行惟該員在順天當差
商託族人賃居茶行房屋未能連嫌亦屬不合王堃蔣嘉泉均著飭回直隸當差並交部分別議處同知
通判順天並無應補之缺嗣後派分順天當差之員著順天府會商直隸總督嚴擬章程酌撥員數以示
限制沈桂芬志和另片奏順天府委署各缺與部章未盡相符等語嗣後該兼管府尹等委署各缺著遵
照部章按班輪委不得於部章之外自行變通○壬子諭軍機大臣等昨日肅親王降勅所奏及本日諭

林院代遞檢討周冠等摺並都察院代遞戶部員外郎陳福綬等奏摺片均著交會議事件親郡王等一併議奏○蒙古都統托雲卒予祭葬賞其子員外郎阿克占以郎中用○以載澂爲蒙古都統○賞給隆福寺守護官兵銀兩○癸丑哈密幫辦大臣德克吉訥因病乞休允之○以長順爲哈密幫辦大臣○乙卯諭吏部奏遵有嚴議請將前都察院左都御史崇厚照違制例議以革職等語崇厚奉命出使並不聽候諭旨擅自起程回京情節甚重僅予革職不足以儆辜著先行革職尋問交刑部治罪○劉曾奏各省釐局弊端不一而侵蝕蝕削恐皆難免查近日各省差事以釐局爲最優往往委員得一釐差每年可獲萬金或三五千金不等官場中竟有謂署一年州縣缺不如當一年釐局差之語○維釐局薪水爲數無多若非侵蝕蝕削何以得此鉅款此中情弊可以概見且局員如此司事巡丁必相率效尤勒索賣放以多報少勢將無所不至種種弊端大爲商民之害且於籌餉事宜大有關係 上諭給事中劉曾奏各省釐局弊端不一請飭嚴禁等語抽釐助餉本屬不得已之舉若如該給事中所奏近日各省差事以釐局爲最優官場中竟有署事一年州縣不如當一年釐局差之語侵蝕蝕削在所不免著各直省督撫隨時稽察以杜中飽其釐局之有名無實者並著酌度裁減以恤商民○諭給事中張觀準奏包衣三旗應領米石不能按期支領各花戶與市井匪徒勾結把持多方剝削請飭懲辦等語著內務府大臣查倉御

史於開放時會同到倉稽查如有前項情弊卽行嚴拿究辦○丙辰諭給事中張觀準奏奉天沒溝營等處商賈雲集未經承領官斗官秤請飭戶部照案頒發等語著該部議奏○戊午諭銘安奏吉林差遣需人請飭閩撤銘薦舉賢員一摺吉林分地設官以資治理需才孔亟著李鴻章於直隸候補人員內遴選爲守兼優之道府州縣各一員奏明發往吉林交銘安差遣委用所請飭閩撤銘保員之處著毋庸議○庚申諭前據御史孔憲毅奏山東陵縣知縣趙多熙擅殺平民多命關通文格朦朧稟奏等情當經諭令周恆祺詳查具奏茲據查明覆奏此案趙多熙因該縣匪徒蘭汰斂錢聚眾藉端抗漕會督營兵鄉團馳往兜捕獲犯回城因蘭汰有來城奪犯之謠將馬希固等二十一犯就地正法係屬倉猝應變保衛地方既非妄殺無辜卽無所用其關通朦朧奏惟該縣原稟實未錄供同送追文格飭查而各犯同一供詞僅認聽從蘭汰搶掠拒敵官兵並未逐細研究明確辦理實屬莽前著山東陵縣候補知縣趙多熙著卽革職以示懲儆該部知道○辛酉 上幸西廠閱實校○章乃倉奏查會典內開康熙四十二年奉 上諭直省州縣雖設有常平倉積穀遇饑荒之年不敷賑濟亦未可定應於各村莊設立社倉收穀大學士會同九卿詳議具奏等因欽此嗣遵 旨議定設立社倉於本鄉捐出卽儲本鄉誠實之人經營上歲加謹封儲中歲糶借易新下歲量口賑濟又雍正二年議准州縣設學多在城市鄉民居住遼遠不能到學

照順治九年例州縣於大鄉巨堡各置社學擇生員學優行端者充補塾師免其差役量給廩餼凡所以爲民生計者無微不至查昔年各州縣常平倉均有積穀荒歉尙慮不敷賑濟近時常平倉多半空虛殆未整頓倘遇災歉全無籌備賑濟盡仰給於庫帑殊非長策如近歲豫省連年奇荒幾至束手無策可爲前鑒社倉各鄉村均可設立儲蓄於豐年以備歲非惟可以救一時之偏災並可以弭無形之禍變蓋饑民嘯聚往往肆行剽掠釀成巨案倘各鄉村均有社倉則民無枵腹閭里雍熙自無他患此社倉之効也愚民乖違倫理妄作非爲多由於不知禮義爲利所惑潛入於邪教者所在多有如各鄉設立社學則民之就學者必多令塾師授四書五經外卽於朔望照鄉約之法宣講聖諭並將朱子小學及先正嘉言懿行隨時爲之詳說但能令各鄉邑多一向善則各鄉便多一善人輾轉化導善類日衆庶鄉曲小民咸知禮法不爲邪教所煽風俗可期醇美此社學之効也現當軍務久平正宜休養生息與民更化朝廷良法自當實力舉行上諭御史章乃俞奏請飭舉社倉社學一摺各省設立社倉社學教養兼資法良意美車興以後多有廢墜失修之處現在軍務久平自應及時整頓著各省督撫轉飭各州縣查照舊章一律興修其經費或藉資民力或酌提公項並著察度各該地方情形奏明辦理將此通諭知之○章乃俞奏查捐納部員旋經中式進士奉旨歸原班補用者向例歸資深先俟期滿奏留後遇有

選缺儘數補用同治初年改革與資深勞績分爲三班輪流選缺然仍以科分之先後爲補缺之班次人
尙知科名足重也嗣又於同治十年改爲計資不計科並不計實俸之淺深此項人員與資深等班無甚
區別不過略先一步耳且有中式進士後俸僅二三年者補缺轉先而俸已在十年以上者反被積壓不
能到班未免偏枯殊不足以昭平允查各部題缺之員補缺班次論科兼論計俸計資而資自在其中捐
納人員既經中式進士似宜照題缺之例計其中後到部之實俸以爲序補之班次方今捐例既停止宜
鼓勵讀書之時有志讀書者自能留心部務查戶兵刑工四部中資深先一班不過數人擬請 旨飭下
吏部於資深先一班可否按照向例遇有選缺儘數補用以資鼓勵或仍照同治初年定章略爲變通改
爲論俸不論資亦足以昭科名之重庶使學兼優而政事文章胥歸一致 上諭御史章乃俞奏部員資
深先一班請飭部按照向例遇有選缺儘數補用等語著吏部議奏○壬戌諭內閣代奏申聿王保建條
陳各省分發人員請飭該督撫酌留幾成飭令回籍聽候咨調並暫停各省分發等語著該部議奏所稱
京外學習試用期滿各員請由該管上司認真甄別等語京外人員學習試用期滿自應從實考核以定
去留嗣後各該堂官督撫等於屬員期滿務宜認真甄別如有闕冗無能之員卽行參劾毋得率行出考
虛應故事○乙丑雲○上詣 太廟行禮○丙寅 上詣 大高殿報謝○卽長庚來京調成孚爲河南

布政使以姚觀元爲廣東布政使歐陽止塘爲湖北按察使○左宗棠奏同知施補華飭赴阿克蘇軍營沿途密查局務及地方事件致吐魯番巡檢楊培元自縊身死請以府經歷降補九之○丁卯以穆宗毅皇帝聖訓實錄告成予該館提調崇勳等優敘○戊辰頒給四川南山縣龍神廟匾額○是年統計出口貨值銀七千二百二十八萬一千二百六十二兩進口貨值銀八千二百二十二萬七千四百二十四兩相抵虧九百九十四萬六千一百六十二兩凡徵貨稅銀一千三百五十三萬一千六百七十兩

光緒六年庚辰春正月己巳朔元旦節 上至 奉先殿行禮 慈安端裕康慶昭和莊敬皇太后 慈福端佑康頤昭豫莊誠皇太后御慈寧宮 上率諸王大臣行慶賀禮 御中和殿受禮太和殿受賀至

大高殿 聖人堂 藥王前拈香○辛未 上詣 壽星殿行禮○命一等毅勇侯大理寺少卿曾紀

澤充出使俄國欽差大臣○癸酉予湖北監利縣節婦張唐氏旌表○甲戌諭朕奉 慈安端裕康慶昭

和莊敬皇太后 慈福端佑康頤昭豫莊誠皇太后懿旨此次會議崇厚罪名著醇親王一併會議具奏

○乙亥諭前因崇厚不候諭旨擅自回京當經革職拿問交刑部治罪茲據刑部奏該革員案情重大請派王大臣會同辦理本日並據會議王大臣等聯銜覆奏各一摺崇厚奉命出使辦理事件違訓越權情節重大所有該革員應得罪名著親郡王御前大臣軍機大臣總理各國事務衙門王大臣大學士六部

九卿都察院堂官會同定擬具奏○諭欽奉 慈安端裕康慶昭和莊敬皇太后 慈禧端佑康頤昭豫

莊誠皇太后懿旨前有旨將大學士六部九卿翰詹科道所奏遵議崇厚所議條約章程等件並迭據大

小臣工陳奏各摺片一併交親郡王御前大臣軍機大臣總理各國事務衙門王大臣大學士六部九卿

都察院堂官再行詳細妥議並令醇親王一併會議茲據王大臣等會議具奏並據醇親王另摺意見相

同此次崇厚奉命出使所議條約章程等件有違訓越權之處並據京外大小臣工陳奏事多窒礙著派

一等毅勇侯大理寺少卿曾紀澤前往將應辦事件再行商辦以期妥協而重邦交○丙子命李鴻藻仍

在軍機大臣上及總理各國事務衙門行走○丁丑諭何璟奏特參私設練兵之署任總兵請旨革職一

摺各省設立練營原期一兵得一兵之用豈容將弁隱佔私設致誤操防著福建建寧鎮總兵唐寅清私

派練兵前往湖南久未歸伍著內夫役冒佔兵額竊屬有干軍政僅予革職不足示懲唐寅清著革職永

不敘用此外各鎮協標營並著該督詳細訪查據實參劾此等惡習他省恐亦不免著該督隨時嚴查認

真整頓倘有虛額佔役情弊卽行從嚴參奏以肅營伍該部知道○戊寅張樹聲奏苗匪竄擾西林地方

查西林縣西北與西隆州毗連西南與滇省廣南府屬之寶寧縣土富州犬牙相錯苗人在西林者甚少

而寶寧土富之苗與西隆三份之白苗皆環西林而居諸苗莠不齊其熟蘊而易惑頑悍而輕亂則同

自內地審定田陽改流穩懾匪又多以苗爲遁逃蔽西林邊境大槽地方在縣治西百一十里多設山
峻嶺南有水坎曰大盤溝溝外荒山老林綿亙數十里直通境本年九月間白苗王么在大槽種山掘
地得廢礮妄生覬覦因詭言得無字天書命在大槽爲苗王潯煽廣南及西隆苗人同踞大槽起事謀劫
附近民團進攻縣城十月初旬各苗乘夜山僻小路陸續齊集大槽到處粘貼僞示王么自稱爲王其
黨馬三馬四暨三平富陳三等僞稱元帥暨小六王三大等僞稱大先鋒僞示內有能撒豆成兵飛蟲用
人等語邊民信畏鬼神訛言四起苗來愈衆遂聚至一千餘人西林無城縣中四百餘戶可充練勇者百
人合以縣營兵勇不過二百數十人倉卒聞警人心惶懼署該縣知縣曾傳均邀同署上林營都司翁長
春一面傳集紳士齊團堵剿多張告示聲言大兵將至但誅首要各逆脅從者概予勿治一面清查內奸
曉諭百姓以主客勞逸之勢使釋疑懼並議築土壘躬親板築大畏夜工成衆志益固此苗逆僞號聚衆
踞險起事及該縣布阻守禦之情形也正在調派閩十八九等日該匪繼擁而來連破革列板達渭閭等
寨逼近高角山距縣城三十里曾傳均與翁長春議曰寇深矣無兵無餉株守將益困遂定計出攻苗寨
激勵勇練出縣官衣物備賞衆皆感奮並招致良苗潛入賊寨中散其黨與苗逆以大槽大盤溝爲巢穴
自此至高角山七八十里中復分踞潯里昂岩那瑪平莫腦寨等處各數百人聲勢聯絡二十七日翁長

春率兵練夜撲賊寨會傳均撥縣署壯勇並調附近團丁助之苗備甚嚴未克二十八日又力攻竟日
傷勇練八名仍未得手二十九日黎明翁長春率所部猛攻中路該逆整隊迎敵被傷兵丁二名練勇三
名皆戰益力移時轟斃黃旗賊帥寶三並悍匪數十名賊勢披靡團練軍功黎兆富向樸秀山旁徑橫擊
而入陣斬藍旗賊帥陳三短兵相接斃賊多名兵練亦有傷亡縱火焚寨賊奔平受我軍乘之平受賊出
生力軍銳甚傷勇練五名我軍燃炮轟擊賊隊分避我軍就勢撲進遂破平受尾追至那瑪賊已喪膽
不戰自潰追斬偽元帥馬四一名殄擒無算十一月初一日進攻距那瑪二十里之昂若克之斃賊十餘
名團眾岑至清亦先一日攻克滾里斬級六顆傷斃苗匪四十餘名於是苗匪皆遁歸大槽一帶矣首逆
王么以官軍日逼退守大盤溝留數十人守大槽適守備盧士傑帶泗洲城府防勇於初一日馳至與把
總王霖團總何國棟覓土人前導夜初鼓帶勇練卽枚行五十里登大槽山天明入其巢守賊不虞官軍
驟至驚起四竄追斬殆盡時與大盤溝犄角者曰渭馬寨賊以全力守之險固異常初二日翁長春督所
部攻之王么自大盤溝率眾來援我軍迎擊鏖戰二時之久斬悍黨十餘名斃匪甚夥兵練亦傷亡四名
賊收隊入寨作負隅勢是日把總彭德才帶泗洲府防勇並解鉛藥到縣會傳均連夜裹火藥包多備鉛
藥卽派把總彭德才解赴渭馬助剿泗城府右營守備會慶祥亦率檄率民晝夜兼行於初四抵渭馬與

翁長春合營攻寨賊憑險屢拒鎗礮如雨我軍火藥罄盡相持正急彭德才馳解鉛藥適至隨以火藥包
齊力奮擲棚立焚勇練肉薄環登賊潰走嚮道有指示僞苗王者翁長春商令曾慶祥督縣親兵隊長李
文彬團總何國柱等各帶勇練分道截擊該逆王么率數十人奔龍山官軍四面追逼匪眾都墜崖死僅
餘死黨八人猶持鎗械擁護王么振地作書符狀練眾李德興等悉力圍殺生擒僞王王么及僞元帥李
富大豔清守賊已聞風驚竄皆逃赴土富州官軍窮追十餘里復斃匪多名所募團練何國棟亦於是日
誘擒僞大先鋒竇小六王二大解縣訊辦王么傷重將死僅能言本主是大神教伊爲王授以佛法數語
翁長春恐其倖逃顯戮卽在行營處斬將首級解縣懸示合縣聚觀同聲稱快西林縣境已一律平靖
上諭張樹聲奏苗匪竄擾西林縣境勦辦完竣請將出力之地方官獎勵一摺上年苗匪王么在廣西雲
南邊境糾黨滋事竄至西林縣屬大槽地方謀劫附近民間進攻縣城經署知縣曾傳均會同署上林營
都司翁長春布置防守齊團堵剿匪眾逼近高角山分踞淥里等處該地方官等督率勇練將賊次第攻
克擒斬首逆王么及匪黨僞元帥竇三等多名西林縣境一律肅清辦理尙爲迅速惟馬三一犯現尙在
逃著張樹聲督飭該地方官設法嚴拿務獲以盡根株所有尤爲出力之知縣曾傳均著免補本班以同
知直隸州知州仍留廣西儘先補用並賞戴花翎遊擊翁長春著免補遊擊參將以副將仍留廣西儘先

補用並賞給曉勇巴圖魯名號以示鼓勵其餘出力員弁紳董准其擇尤酌保毋許冒濫○諭前據都察院奏吉林貢生魏晉康等以學政貪污飾奏破壞篇章等詞赴_該衙門呈訴當諭令銘安查明具奏茲據奏稱學政按臨吉林考試向由紳捐生息項下提銀備辦供應王家壘兩次按臨需用浩繁提用生息銀暨吉林廳同知賠款歲試用至九千三百餘兩科試用至六千三百餘兩王家壘前以書院經費缺乏奏明將生息餘銀作為東修膏火之需繼又將此項提作者費致書院經費無由不能延師課士等語王家壘按試吉林供應煩瑣其奏提書院款項語多支飾殊屬不合著交部議處嗣後奉天學政前往吉林考試所有動用之項務當力求撙節不得逾奏定數目其所餘紳捐生息銀二千二百兩即著為書院經費餘著照所議辦理該部知道○己卯諭前工部右侍郎閻敬銘向來辦事實心前因患病開缺寓居山西著曾國荃傳知該侍郎即行來京陛見○壬午 上詣 奉先殿行禮○諭御史周開銘奏廟餉略責使來京崇文門員役詐索理藩院辦理失體並載古王公年班來京理藩院崇文門縱容員役任意勒索各摺片外藩王公及使臣到京該衙門自應仰體朝廷德意妥為辦理並約束官役毋許稍有擾累若如該御史所奏殊屬不成事體且其中情節支離著派廣壽潘祖蔭確切查明據實具奏毋稍徇隱○癸未上御保和殿 賜廷臣筵宴○諭御史周開銘奏請飭禁崇文門需索扣留等語鄉會試士子到京如攜帶

行李並無違禁貨物自應隨到隨驗立即放行豈容書役藉端勒索茲據該御史奏本年會試士子到京
風聞崇文門已有扣留行李需索稅規之事殊屬不成事體著崇文門申明舊章嚴行飭禁書役人等查
有需索情事即行從嚴懲辦毋稍寬縱○甲申諭金順奏防禦私自潛逃請革職查拿等語黑龍江恩爾
根城即補防禦富爾洪額胡遜布二員攜帶軍械職馬私自潛逃查無下落實屬目無法紀富爾洪額胡
遜布均著即行革職並著察哈爾都統烏里雅蘇泰科布多塔爾巴哈臺將軍大臣山海關副都統黑龍
江將軍一體查拿務獲懲辦以肅軍律○丙戌諭本月十五日保和殿筵宴經管宴大臣以膳房執事人
等擁擠入殿奏明將管膳房大臣等交部議處茲據恩承廣壽奏稱十六日遇見靈桂向伊等言及所參
實係冤抑靈桂等明知冤抑故意妄行參奏該王大臣是何居心尤不可解等語管宴大臣於執差人等
入殿擁擠理應參奏靈桂何以輒向恩承等故作周旋之語恩承等復執靈桂之言曉曉置辯措辭尤爲
失當靈桂恩承廣壽均著傳旨申飭嗣後嚴廷筵宴著管宴大臣明定章程以昭嚴肅倘有不遵約束情
事仍著御前大臣等據實奏參○蒙古都統明慶因病乞休不允○丁亥諭工部奏太常寺咨修物件請
循照舊章辦理一摺據稱近來太常寺每逢祭祀前期咨部請修祭器等件絡繹不絕經該部咨令將修
案聲明並各處祭器造冊送部以憑查核乃日久並未造報請申明定例酌立章程等語著太常寺堂官

將祭器等項敬謹查明現在存儲者若干堪用者若干待修者若干分別編列字號造冊咨送工部嗣後遇有應修之件由該部查明核實辦理另片奏繳定預料二庫支發物料及折價請隨時詳細知照該部備查等語著照所擬辦理○戊子雪○以平定雲南尋甸州教匪出力予都司王正起等升敘有差○予雲南剿匪陣亡游擊張自發等祭葬世職○己丑諭軍機大臣等天津屏賊京師關繫全局李鴻章籌防有年所有建築礮臺購備戰船等事粗具規模著將現有兵力認真整頓備齊戰艦於煙臺大連灣等處擇要扼紮以固北洋門戶奉天營口本屬北洋所轄該處與烟台海防相接近卽責成該督統籌兼顧庶幾呼應戰守李鴻章所部淮軍久經戰陣亦宜有威望著著之宿將統帶在籍提督劉銘傳應否調赴天津著奏明辦理湖南提督李長樂如其才可用亦著奏調赴津以資倚任○諭軍機大臣等本日據王大臣等會議籌備邊防事宜一摺長江水師著彭玉麟李成謀認真整頓隨時加意巡防○諭軍機大臣等金州海口關係緊要應如何豫籌防守之處著李鴻章張元曾籌辦理○庚寅命通政使司通政使劉錦棠幫辦新疆軍務○命榮毓守饒東陵○召西甯辦事大臣喜昌回京○命興廉邵亨豫移請 神牌告祭后土○頒給四川崇寧縣 文昌宮 關帝廟匾額○賞吳大澂三品卿銜飭赴吉林隨同銘安幫辦一切事宜○諭軍機大臣等前浙江提督鮑超蔭丁寶楨傳旨飭令來京陛見該前提督曾經辦理軍

務廣著戰功現在時事艱難需才孔亟務當懷遵諭旨迅速來京不准推諉遲延將此由五百里諭令知之○諭前因時事多艱需才孔亟迭經諭令各省督撫保薦人才以備任使惟恐奇材異能之士伏處尙多該督撫等見聞雖周尙未盡登薦剴必須周諮博訪以廣搜羅著大學士六部九卿各直省將軍督撫及曾任統兵大臣彭玉麟楊岳斌加意訪求其有器識宏遠通達治體爲守兼優長於吏治以及才略過人足任將帥曉勇善戰足備偏裨熟悉中外交涉事宜通曉各國語言文字習製船械精通算學足供器械並諳練水師事宜者無論文武兩途已仕未仕均著各舉所知出具切實考語秉公保薦不得徒探虛名濫竽充數亦不得以無人可保一奏塞責庶幾人材畢出緩急可資以副朝廷延攬人才至意將此通諭知之○諭軍機大臣等昨日據王大臣等奏議辦邊防籌餉節流等語軍興以來各省招募勇營設立各局原屬權宜之計事平以後留防各營迭經諭令裁減現在水陸勇數尙多原爲彈壓地方緝捕奸宄起見而意存贍徇或安頓勇丁或調劑統領營官者實亦難免至每辦一事動輒一局徒有局務之虛名並無應辦之實事薪水口糧糜費滋甚其撥金海運督銷等局甚至有官紳並不在事安坐而得薪水者尤屬不成事體前因御史黃元善戈靖先後奏請疊次降旨令各省迅卽裁併仍多視爲具文似此年復一年餽源何由充足除直隸陝甘等省鎮辦邊防雲南廣西營勇無多均無庸議減外其餘各省將

軍督撫務將該省勇營詳細斟酌大加裁減某處裁去幾營某營歸併某營卽令分晰具奏仍一面嚴查
缺額暨剋減名糧等弊並著懷遵前旨迅裁各局其某局應裁某局應併應留之局實在有事可辦者約
須幾員所有員役等薪糧共需若干銀兩務當詳晰奏報不得因委員等無可位置稍有遷移沿海各省
向有額設外海水師原爲平日綏靖海疆之用自輪船駛行後此項戰船全無所用亦宜變通舊制分別
裁汰各該將軍督撫目擊時艱饑需支絀諒能破除情面實力奉行不至停聽營官委員藉口之詞一奏
塞責以上各節每省每年可騰出餉需若干經費若干務須不避怨嫌悉心酌核於奏旨一月內迅速妥
籌具奏一面咨報戶兵二部由該部隨時稽查以昭覈實將此諭知戶部兵部並由五百里諭令各將軍
督撫知之○辛卯諭欽奉 慈禧端佑康頤昭豫莊誠皇太后 慈禧端佑康頤昭豫莊誠皇太后懿旨
禮親王世鐸等奏會議已革都察院左都御史崇厚罪名比律定擬斬監候一摺著照所議辦理該部知
道○諭丁寶楨奏遊陳歷年辦事情形等語丁寶楨自簡任四川總督以來將地方事宜刻意講求竭力
整頓祇因撫治太急以致怨謗滋生此中功過是非朝廷自能洞鑒該署督惟當殫竭血誠破除情面期
於始終不渝至所稱該省京官有請託情事殊屬有干例禁丁寶楨何以不及時舉發現在事屬既往姑
免深究嗣後各省大小京官務當各知自愛如再有交通外任囑託營私者卽著該督撫據實參奏毋稍

御囑○壬辰諭御史朱以增奏順天直隸所屬王莊請過災酌減分數並佃租歸官徵解一摺據稱順天直隸各屬內有王員勒所受莊田每遇災荒爲調緩恩育所不及各府仍派人徵收不肖莊頭等迫令貧佃交足送官監比並有侵吞中飽等弊以致貧佃受累王員勒並不獲益請飭整頓等語著順天府尹直隸總督通飭成災各屬地方官如有貧懦佃戶送官監比者務須持平辦理並著咨商戶部妥議章程嗣後如遇偏災所屬王莊租額查照災分輕重酌減成數或將莊田佃租由地方官代爲徵解一併奏明辦理○癸巳以彭祖賢爲湖北巡撫○俞恩承朱智勘估 天壇工程○甲午以邊寶泉爲江西布政使沈應奎爲陝西按察使○俞溥懋守護 西陵○以新疆協辦出力予巡撫劉秉璋等獎敘有差○戶部奏自咸豐初年河工軍務迭起部庫存欸撥放殆盡至同治年間每年預撥京餉遞增至八百萬兩部庫出入並無盈餘現在庫欸存儲無多照常收放尙可支持設有意外要需則支應卽形棘手等職司出納不得不作未雨之謀惟是各省撥欸已極繁多若不通盤籌畫奏撥鉅欸責令起解勢必顧此失彼徒託空言轉多貽誤無米之炊等所不敢出也若不辦緩急不顧難易搜剔利孔百計誅求則戒於供億耗於流亡林總之傷瘡未復不能宣導 皇仁反致斷削元氣聚斂之爲又等所不敢出也用是悉心參酌於本有之財源力爲規復於可緩之用欸量爲減裁總期核實辦理行之有效謹臚舉十條恭呈

御覽一嚴催各省墾荒光緒五年十月臣部議覆翰林院侍讀王先謙條陳摺內請 旨飭下各該督撫以此次接到部文之日爲始限三箇月內將所屬各州縣荒熟田地開具清單彙總奏咨報部一面妥定懲勸章程核實辦理規復舊額奏准行知遵照查有土此有財田賦所收本國家自然之利廢而不治財源銷耗於無形籌裕餉需常以墾荒爲第一要務查江蘇浙江安徽等省著名財賦之區現在荒地尙多錢漕缺額年復一年其爲查辦未能核實可知近年山陝被旱民多流亡該處荒田亦應力圖墾闢現計開單奏報三月期限將次屆滿應再請 旨通飭各該督撫遵照上年十月奏案先將所屬各州縣荒熟田地開單奏報即並無荒田省分亦有藉口偏災以熟報荒拖欠錢糧希圖蠲緩非山州縣墾闢即由富紳把持亦於接到此次部文後將該省有無荒地徵收是否足額專摺奏明具有清出隱匿墾有成效者奏請優敘因循廢弛者立予嚴參並將如何辦理開墾之處專案奏咨報部以備查核總之丁漕等項爲入款之大綱全賴封疆大吏認真率屬竭力整頓悉復舊規毋令本有之財源視同廢棄一捐收兩淮票本自道光年間經前任兩江督臣陶澍陸續先後奏改票章原定先課後鹽按年驗實票輪流認運立法甚當迨江楚軍興淮引不行至同治三年前大學士兩江督臣曾國藩克復金陵議復票運維時江淮閭戶口蕭條富商絕少曾國藩設法招徠但有投名領票者概准認運其後於修築清水潭案內經

曾國藩飭令各商按一票捐工費銀四百兩一票者五百引也當時定章凡捐過工費者爲舊商從此按年准其循環轉運更不許新商攪入茲聞鄂湘等岸每淮票一張轉相售賣其始價值銀五六千兩迄今每票售銀至萬餘兩卽值租運一年亦值租價千金是現在淮商始以不費一錢而得票繼亦僅繳過捐項四百兩而論票價則每張所值萬金暫租亦千餘兩且據爲子孫之世業獲利奚啻倍蓰查淮鹽舊章引商則准世守爲業今既改引爲票是商人皆可認運不必循族世之所囑也茲雖名爲票鹽實與引商無異一經認運世世得擅其利是使大利盡歸於商而司鹺政者反不得操進退盈縮之權殊非權鹽正辦且與改票初章尤覺不符等以爲票商應以一年一運爲斷每年每運除繳正雜課鹽外仍令按年捐銀一次作爲票本分上中下三則上則捐銀一千兩中則捐銀八百兩下則捐銀六百兩合兩淮現銷四十萬引計算每年約可捐銀五六十萬兩應請 旨飭下兩江督臣飭運司查明淮南北各口岸鹽銷暢滯票價低昂情形酌定上中下則分別捐銀數目限一月內專案奏報一面傳集各商剴切曉諭倘現運之票商藉詞推諉亦無庸強以所難卽飭運司另招新商接辦仍復驗票掣發之舊利之所在自無不踴躍輸將至前項銀兩應由兩淮運庫專款存儲按半年一次批解部庫外省無論何項要需不准動用一通核關稅銀兩常關向有定額供部庫支放之用嗣後添改洋關增設釐卡常稅遂大形短絀緣辦

理軍務以來或因局卡林立未能遽議開徵或卽開徵而所收稅款爲數無幾論者謂常關數絀洋關數盈兩稅率算今之所入較多於昔然其間常洋兩稅情形正復不同洋關專設稅務司另有冊報各關自無徵多報少之弊常關如淮安揚州臨清廣關等處歷年徵不足額均屬有因人所共聞共見其粵海關海江海浙海等關常稅定額本少各該關之局面寬博亦人所共聞共見此外各省督撫經營之關例委道府各員徵收者情形衰旺不能一律而著名有餘之關亦復不少臣部原不難周諮博訪仿照山海關新增盈餘及蔣益澧清查太平關之例擬加確核重訂章程惟念各省辦公之費亦不能無所取給自未便竭澤而漁轉鄰刻核然當此時事艱難之會各省督撫監督等同受國恩自當激發天良力圖報稱擬由臣部通行各省關除徵解足額外仍各就徵收實在情形擬年量力溢解共濟時艱臣部亦斷不引以爲據輒將溢解之數編入定額致各關有瞻前顧後之慮想益公奉上人同此心爲絀爲盈自有公論固知情殷報効者必不乏人也一整頓各項釐金近年以來核計抽收數目遞形短絀雖子口稅單不無侵佔而此項款目本無定額承辦各員恃無考成隱匿挪移在所不免查各省局卡散布外府州縣離省或數十百里或千餘里倘疆吏不認真考察但憑委員開報其中弊病何自周知應令各該省督撫明查暗訪分別勸懲以收數之多寡定屬員之殿最毋任侵蝕偷漏以期日有起色至局用一項或以一成開

支或正釐一兩收辦公銀八分或則支銷項下並無經費名目查應出之款暨不開報則所報收款不實不盡可知應嚴飭局員和盤託出據實詳報由各該督撫等確加核定並寬其已往之咎至一切冗員濫役應悉予裁除須於一成之數再行核減零星釐卡亦宜隨時裁撤以節經費而省紛擾此外洋藥釐金係按餉抽收之款乃聞東南各省有以百兩報五十兩者甚或三十兩者此中暗虧釐課為數甚鉅應令各該督撫嚴定章程核實徵收不得仍前減折其鹽釐一項亦令設法整頓仍查照戶部奏咨各案將貨釐藥釐鹽釐分晰造報核銷毋任籠統牽混一嚴查州縣交代同治四年十月欽奉諭旨直隸省各州縣著仿照山東新章辦理其新舊各案分別已未完結定限半年彙奏一次至報結章程無論正署各員總須各任分報不准累任統報以杜牽混並不得以駁改冊籍扣算時日巧脫處分一有虧缺立即追繳並著各該省督撫體察情形參酌山東新章一體認真查辦毋任不肖州縣暗虧國帑以肅吏治而裕餉源等因欽此光緒元年八月戶部議覆山東巡撫丁寶楨代奏薛福成條陳事宜光緒二年十二月戶部具奏綜核度支各摺內經申明舊章通行各直省遵照辦理在案查辦理交代現惟山東省最為認真歷經戶部奏令各該省仿照考核乃或請展緩限期或請分案結報專摺展參者仍復寥寥相應請旨通飭各該省督撫遵照例限嚴查交代除將如何勒限分別清結於文到一月內迅速奏明辦理外自此次

奉旨之日起凡州縣官卸事交代未清者實缺人員不准到任調署候補人員不准委署他缺並不准派委各項差使如此後交代案內有兩任虧短即係前任未清再行調署委署之弊應請督撫藩司以徇庇屬員之咎並將虧項著落分賠仍令該省遵照定章將交代未清各員二參逾限即行奏參並將各州縣任卸各日期先行咨報臣部並由吏部知照升遷調補委署各缺互相考核一嚴核各項奏銷以地丁爲大宗例載凡奏銷限期該督撫照依限定期月分於是月底具題冊結隨本送部若因公不能依限准其奏展無故逾限者議處司道府州縣衛所官先已違限查明據實開報吏部分別照例議處其奏銷後續行報解者仍准照例報部分別扣除免議各等語定例極爲嚴密乃行之既久漸形弛懈各省冊結未能依限到部到部以後會同核議送改事故緝譯清文輾轉耽延經年累月甚或題本繕齊後接到外省扣除免議減議咨文又須行知更改一員改畢一員又來往往因一縣一州致稽道案經徵各官習知題覆需時其應付處分業已設法規避未完欸目仍未能年清年欸於國課實有妨礙除積弊不得不思所變通應請自此次奏准後所有錢糧奏銷各依定限令各該督撫一面具題一面先將未完一分以上各員名開具簡明清單摺奏報由部核定處分先行具奏仍各於題本內將業經具奏各員聲明備核間有未能依限具題省分此項專摺仍應按限入奏其有具奏後續完者准其續行奏請歸本案開復

此外鹽課漕項凡經手錢糧如報銷有關處分者一律照此辦理庶經徵人員知所儆懼而帑項不致虛懸矣一專提減成養廉銀兩咸豐三年軍機大臣會同戶部議擬太僕寺卿李維翰奏停廉充餉摺內請將各直省文職一品至七品武職三品以上養廉暫行減成支放嗣於咸豐六年二月間欽奉 上諭所有各直省文武養廉著戶部查照京官增給俸銀章程酌核具奏等因欽此經戶部奏准自是年夏季起文職一二品酌給七成三四品酌給八成五品以下及七品之正印官武職三品以上酌給九成其餘文職武職均照原額支給迄今已二十餘年循照辦理核計各直省此項放欸每年節省銀九十餘萬兩車輿以來司庫不敷周轉其減成銀兩均已陸續借撥現值籌備餉需之時所有前項銀兩自應循名核實專提解京除雲貴甘肅支絀省分不計外其餘各省綜計約可提銀六七十萬兩相應請 旨飭下各該省督撫自光緒六年春季為始將文職武職養廉銀兩仍照章分別按成給發外其減放銀兩另欸存儲按年批解部庫一次年清年欸不得藉詞截留一催提減平銀兩道光二十三年戶部奏定章程各直省減平銀兩飭令按年彙解部庫充餉並造具扣欸清冊送部查核查此項銀兩每年節省七十四萬餘兩乃歷年解不足數計截至光緒五年年底止山西河南陝西四川廣西湖北等省共欠實存未解銀三十三萬餘兩尚有山西河南四川福建湖南江蘇等處借動銀一百六十四萬餘兩此項本係例應按年解

部之款其借動各省從前均有奏咨案據聲明有款即當籌還現均未據歸款惟爲數較鉅各該省庫儲未裕不能不請從緩催繳若實存之款既據冊報現存藩庫應即日委解來京應請 旨飭下山西河南陝西四川廣西湖北各省督撫督飭藩司於接到此次部文後執限半年將前項實存未解各年減平銀兩各按欠解數目撥數委員解部交納以充餉需自本年爲始除向來留支省分不計外其餘各省遵照奏定章程一律起解每年約可多解銀四五十萬兩經此次嚴催後倘再有遲逾卽由 部將藩司指名奏參以儆玩泄其借動銀一百六十餘萬兩亦令各該省設法陸續籌款清還毋任鉅款終歸無著至未經造冊各省分業經 部於上年年底彙案奏催應再各令遵照前奏趕緊按年按款補造清冊送部稽核毋再遲延一停止不急工程京外各衙門一切工程除自行籌辦不動正款者毋庸議外其餘興修各工應支庫項者所需甚鉅同治八年五月間經 部奏准一切尋常工程從緩興辦通行遵照在案現在籌備餉需自應查照同治八年奏案辦理應請將各衙門一切工程概行停止三年至 壇廟 陵寢各要工關係重大其定在萬不可緩者應請成勘估大臣詳細查核力求撙節毋任稍有浮冒此外三海工程向來官員賠款有交一免三之例應請停止認交其京外應繳賠項各員准其按照咸豐十年寬免三成奏案於欵奉此次 諭旨後限內由戶部完繳至七成者其餘三成奏請 恩施寬免一核實額繳

兩庫折價同治九年閏十月間奏准凡在京各衙門借撥庫款均應先行奏交臣部核議分別准駁後奏明辦理此指借款而言若顏料緞疋兩庫折價銀兩向由銀庫支領並不咨明臣部核轉光緒四年顏料庫領銀至二十二萬餘兩緞疋庫領放銀至五十一萬餘兩光緒五年分兩庫領至一百餘萬兩之多此項銀兩爲數甚鉅伏思 宮廷敦崇節儉歷年以來並無額外用項即事關典禮亦當分別緩急可裁者可減者減除省冗繁爲節流之計原非以事關 壇 廟 陵寢即可任其浮支濫用一概不加稽核也卽如緞疋庫折價之絨觔一項上年請領至二十七萬餘兩山羊絨一項請領至十四萬餘兩絨繩爲扛擡祭器等項之用山羊絨爲鋪地拜墊等項之用不過典禮中之一小節耳而所費如此不致謂此等用款之確不可易也本月十八日工部奏請 飭下太常寺遵照定例將應需祭器等項現存者分別造冊應修者核定年限亦係爲力杜浮冒起見查各項折價銀兩咸豐四年因軍需緊要奏明減成給發行之幾二十年嗣因各處恭辦典禮先後將絨觔羊絨等項奏明改放十成實銀現在時事孔艱亟應力求撙節擬請自光緒六年爲始各衙門請領折價銀兩無論何處何項仍遵咸豐四年奏定章程一體按五成實銀開放以節糜費至外省作正開銷之款絲毫皆關帑項嗣後顏料緞疋兩庫除各該織造例解之款仍舊辦理外如有例外飭各省採買之件應先行知照臣部斟酌緩急再行會同奏請 飭遵似亦節

用之要務也以上各條不過就耳目所及效一得之品至各省之物力民情無從周知灼見請 飭各該督撫各就地方近日情形通盤酌度如有可籌之款可興之利總以無損於民而有益於國者方能通行無礙務令各抒所見專摺奏聞 上諭戶部奏籌備餉需一摺國家歲入歲出自有常經事興以來供億浩繁以致京師及各省庫儲均形支絀事平之後帑藏仍未裕如皆因本有之財源不能規復可緩之用款未能減裁既無以備緩急之需亦非慎重度支之意如該部所稱各屬聖荒一條果能認真查辦行之數年何嘗不可漸復舊額其捐收兩淮票本一條既與改票初章不相刺謬且亦不至病商至通核關稅及整飭庫金各條均屬目前要務必須嚴定章程核實辦理州縣經徵錢糧絲毫皆關國帑不容任意虧短該部請嚴查州縣交代及嚴核各項奏銷各條係為裕餉源除積弊起見其專提減成養廉銀兩及催提減平銀兩各條或循名核實或申明舊章均可次第施行若停止不急工程及核實顏料緞疋兩庫折價等條亦係撙節款項之道均著照所議辦理總之有治法須有治人任事諸臣果肯實心實力行之以漸持之以果自可著有成效若徒敷衍從事則雖有良法美意不過視同具文仍於治理無補此次戶部所籌各節除停止工程核實折價應由該部籌辦外其餘皆疆臣之責各該督撫平日受國厚恩當此時事多艱豈可憚弛因循不知振作著於奉到此旨後將率藩運各司並該關監督等振刷精神悉心經畫

各盡其職爲所當爲毋避嫌怨毋涉瞻徇毋畏艱難毋任粉飾總期於國計民生兩有裨益方爲不負委任仍將如何辦理情形趕緊籌定議限兩箇月據實覆奏不准稍有延宕至各官物力民情並著各就地方近日情形通盤酌度如有可籌之款可興之利無損於民而有益於國者各抒所見一併奏聞以備採擇○乙未命督辦至 俗陵行禮○丙申諭劉坤一等奏查明勒休知縣排斃人命請革職訊辦一摺廣東新興縣知縣卓誠前經該督奏參勒令休致茲據奏稱查明該員前在新興縣任內因清查田畝縱差騷擾輒將鄉民馮隆往馮亞二先後排斃實屬坑視民命卓誠著卽革職提案確訊嚴行懲辦民間詞訟案件必應隨到隨審以免拖累廣東各州縣延擱詞訟已成痼習著該督撫實力查察如有積壓遲延等弊卽行據實嚴參以蘇民困該部知道○諭有人奏招商局辦理毫無實際請飭認真整頓經理一摺設立招商局原所以收利權而裕稅課若但聽委用各員任意開銷浪費使蝕深恐私案日充公款日虧著李鴻章吳元炳慎擇公正廉潔之員將歷年出入各款澈底清查實心經理如有糜費侵漁等情卽行據實嚴參毋稍徇隱○諭載齡等奏遵查大員被參各款一摺吏部尙書萬青藜前經御史孔慶雲奏參各款茲據查明所參擬權納賄收受節壽各禮及門丁朱二捐有五品官職指缺說價並丁符九張兆豐補署各缺皆其關說各節均查無其事卽著毋庸置議惟門丁朱二雖無招搖勒索等弊輒敢收受州縣

賞銀實屬有干例禁朱二卽朱韻三著杖八十遞解回籍交該地方官嚴加管束萬青蔡於門丁朱二得受所屬賞銀失於覺察著交都察院議處餘著照所議辦理○諭有人奏天津防兵難恃請飭認真整頓一摺天津駐紮水陸防軍原以該處爲京師門戶必須餉足兵精方足以資捍衛若如所奏該軍營官克扣兵勇劫掠騷擾置李鴻章不敢過問等情緩急將何足恃李鴻章身任統帥責無旁貸著將各營將士驕奢易之弱者汰之有無剋扣劫掠等弊明查暗訪實力整頓總期一兵得一兵之用不致虛糜餉糈方爲不負委任○吏部尙書萬青蔡因病乞假允之以李鴻藻署吏部尙書○戊戌鮑超奏請補給因火被焚 敕書誥命等件允之